

一心金剛戒體秘決

特36

190

016815-000-1

特36-190

一心金剛戒體秘決

最澄／著

M29.8

ABE-0022





# 一心金剛戒體祕決

沙門長壽傳受



道遷和尚曰高祖智者盛弘定惠化於有情其義顯然自在諸部  
 有眼焉者乃能知之但戒之一道則未彰述之以口決傳而已矣  
 其故何也夫戒行者有二種也一者自行二者化他自行者修五  
 戒者感於人報果修十善者感於天報果此以戒因之感報而為  
 自行也化他者以五戒攝馴人界以十善攝馴天界或動性十惡  
 攝馴四趣起但空偏假之念赴向權三乘此以外能交物近生而  
 為化他戒也前自行者小乘之戒但善但惡為持犯也後化他者

一下恐脫者字

大乘之戒不語善惡不問持犯但能以攝機而為戒也其機有種  
 類也謂三乘人天及以四趣統是九界之生也分為四差一四趣  
 二者人天三者二乘四者假菩薩初四惡趣惡業所成次三種者

壹



善戒所成善惡之二類統是有情足以感大慈矣然大慈之應於有情亦應有二種謂應於四惡則示染惡行應於人天等則示淨善行若夫但修善行則不能化四種也但修惡行則不攝人天等也當知但善但惡不能化他乃是小乘自行方便之戒也是故大乘化他戒以善惡不二智實一智妙而外能攝物而不背矣全性具善惡修起應同變化身是併等覺大士金剛坐上滿足諸佛化他大行明達罪福相而所用之嗚呼與彼小乘善爲持戒惡爲破戒同日語之耶是以大師不顯傳之而所以口決也上已

一菩薩戒躰授與傳法

菩薩戒者正依法華傍依華嚴網梵法華經曰此經難持若暫持者是名持戒行頭陀者是持法華經名爲持圓戒也法華經何卽是指實相理故經中文躰悉不出諸法實相大師釋二門躰曰正指

實相以爲正躰實相者何謂是善惡不二迷悟一如不出一念本具諸法也此是十方諸佛與釋迦佛乃能究盡非七種方便所知也亦復須知唯佛與佛妙覺自報之智躰修因感果之如來十方佛自證此是中道之佛智寂照之不二自從此智躰任運起觀照一下道種假智觀見於法界而二差別而諸法宛然故知前佛智則果次道種則因因則居九界覺等名之爲等覺顯九界卽覺躰果則居佛界名之爲妙覺顯等覺卽是妙覺從果向因攝九界色心從因至果示自證本有因果合究盡十界諸法之實相也是故十方十佛以果佛自攝因化九界葉上等覺以因攝果因果不二盡十界邊底故經云世間相常住云夫等妙二覺豎窮實相橫該十界然則十界自位所造善惡其全覺躰而無不等覺者也其如此者九界有情本來持菩薩戒何問持不持耶善業惡業持戒持小破



戒若能宜其時則皆是等覺金剛戒躰也已上依法華實相所以立戒躰也次依華嚴建立戒相謂梵網所明十重四十八輕戒躰內祕妙示之華藏受之葉上因果一躰戒相遍攝萬行具如梵網今一家所授戒相全同彼相謂戒師壇上卽蓮華臺受戒所坐卽葉上戒師是滅後果佛弟子是滅後補處師唱言者一戒光明舍那心地弟子受念者金剛一心等覺心地萬行悉具之躰頓於此成矣是名爲一心金剛戒躰也授與之法則者如戒壇建立訣問云梵網戒躰旣同法華若爾者其證如何答梵網云說我本盧遮那佛心地中初發心中常所誦一戒光明金剛寶戒是一切佛本源一切菩薩本源佛性種子一切衆生皆有佛性一切意識色心是情是心皆入佛戒中一切有心者皆應攝佛戒性本來具大乘戒也衆生受佛戒卽入諸佛位位同大覺已眞是諸佛

子上此乃以金剛寶戒名佛性戒及爲佛菩薩本源當知佛性者實相卽同法華實相戒也

蓮師云然釋前梵網文有二種相傳也一自性本具戒二者威儀受得戒初言自性本具戒者一切衆生本來住佛性戒佛性者何也謂十界互具心也何衆生有十界互具心耶謂介爾有心卽具十界旣以十界皆佛性故或變成地獄身或變成餓鬼身或變成畜生身如是三惡生死皆是佛性力用全性現修身卽性具之色法乃是法身一分心卽覺知也佛三惡之依正乃是般若一分死此生彼生死往返卽是解脫力用豈由煩惱業力爲之哉當知三惡受生皆是佛性威儀威儀卽是戒行小權二門何云三惡耶佛性示現同等覺示色豈得名惡耶三惡已然三善三乘悉佛性力用本具無作威儀戒也準三惡義可知之是本具戒行名圓頓理卽戒



此梵網所謂一切有心者皆應攝佛戒是也次文云衆生受佛戒  
卽入諸佛位位同大覺者威儀受得戒也此受得戒有四人不同  
一名字卽二觀行卽三相相似卽四分眞等覺初名字有二種一聞  
名名字二解了名字行出補初聞名名字戒躰者但聞佛法名字不  
解其義或讀一偈或誦一句或唱佛名或散華燃燈合掌供養等  
但有信法心卽名受得人經云若暫持者是名持戒是也次解了  
名字戒躰者是則戒躰實相戒相即色法上具戒行也謂請阿闍梨白  
四羯磨受十重四十八輕者是也是人乃解大小權實法了佛法  
智海是故強行之而已次觀行相似戒行與理觀實相相應分眞  
等覺戒色身遍現九界或至三惡示不善威儀威儀即戒也或生人天  
示戒善從本得名威儀應三乘亦復如是是則化他滿足戒善惡凡聖  
示現種々形相悉是無作圓滿戒是上來四種有情卽入佛位前

性具戒但在佛性未入位者也

遂和尚云統論圓頓戒有四種相承一者戒躰二者戒相三者戒  
法四者戒行也初戒躰者以中道實相爲戒躰也故大師判曰中  
道妙觀戒之正躰上品清淨究竟持戒已然經論中凡論戒躰以  
表無表爲躰何者戒行是身口二業卽於色法論之故大師釋曰  
不起而已起則性無作無表色假色上已未聞以實相爲戒躰也曰權  
門意未窮戒源是故云以表無表爲躰等也大乘極說永異權門  
謂戒定惠三似其門異而尋其躰皆不出實相是故與權門意天  
地懸殊然大師釋言假色者釋戒相分位文非謂戒躰也妙樂大  
師云三觀在意地是則戒躰是以實相爲躰相承也次戒相者心  
業三觀顯發成身口二業戒相自顯焉然攝一切戒相而爲五種  
十支五種者一根本業清淨戒十善二前後眷屬餘清淨戒三非



惡覺下  
分注  
佛四下脫  
第五之二  
字缺  
善隨下上  
之隨字恐  
寫刺

五種  
六種

諸惡覺清淨戒四護持正念念清淨戒五廻向具足無上道戒上已  
出大經是則戒第一定第二慧第三學第四總名為戒次是五支開出十  
戒是名菩薩護護他十戒亦總攝一切戒也一不飲戒二不破戒  
三不穿戒四不雜戒五隨道戒六無着戒七智所讚戒八自在戒  
九隨定戒十具足戒是亦出大經及大論遍攝諸戒不殘也釋相  
狀具如妙立四及止觀四卷然此十種中第一及第四通藏通二  
教意第五及第十局在別圓菩薩今以圓意判後五種隨道及無  
着是入空戒智所讚及自在是入假戒隨定及具足是中道戒此則  
三觀實相出發身口顯三戒也悉是與圓觀不相違背是名為戒  
相故妙樂云三觀出身口是其戒相上已次戒法者戒之法式也三  
觀心地與三業相應焉謂三業與假相應則六趣諸法善惡有法  
悉是戒法也與空相應則汝等所行是菩薩道與中相應則佛界即

九界也故妙樂云三觀相應是其戒法上已次戒行者一切諸法  
善惡凡聖有行悉名為戒行蓋心地三觀起三業用三業者乃是  
三密三密乃是相海釋云一念凡心已有理性三密相海一塵報  
色同本理毘盧舍那上已是則理性三密全性起修顯三密力用行戒  
也謂身密發而現十界身口密發出十界音聲意密發而融十界  
心地妙樂云三觀起用是其戒行上已上來四種相承以荆溪尊者  
四句傳之有眼焉者見之邃和尚總口決言圓頓戒牀論成佛也  
必由理性三觀謂三觀戒牀出身口之相三觀相應起三密用成  
道轉法以利衆生皆由於此故梵網云諸佛菩薩本源者即圓頓  
之戒也  
圓頓戒牀通具三諦何者大師既云中道妙觀戒之正牀夫中道  
者諸法全牀萬法之能具既以能具中道而為其牀所具空假豈



不取乎是以妙樂釋言三觀在意地是則戒躰既是具三諦法々  
行々得非戒乎

圓頓戒相通亘三業蓋小乘意戒相但局於身口大乘意論於意  
地立戒梵網所明重即其証也是故剋論身口意業俱在性德  
名爲戒躰全性起修名爲戒相是以有戒無戒身口意業無有差  
別以非謂以意名性以身口爲修也然妙樂云三觀出身口是戒  
相而不言意何也是蓋以三業相待而論之

圓頓戒躰約諸識分別之乃是當具諸識之九識也何者圓頓戒  
躰名虛空不動戒虛空不動名虛空不染心此非空無相義以無  
差別界故名虛空以無妄念故名無染此乃菴摩羅識之異名也  
當知圓戒之躰在無染心而修之矣所以云九識而已然一家意  
論諸識也永異諸家謂非但九識乃具諸識之心也何者凡識者

一切心之名也教門方便隨順物機分別說六七等其實但在一

念謂見聞覺知是六識之念是念流動至妄我則是七識背平等

違背眞如而有起念則名八識背大圓鏡智當知諸識但在一念也故

妙樂云三識同在理心教門權說且立近遠云云然則起信等論

分別諸識淺深次第上々去々下々來々皆是教門權說一往成

次第而已矣况瑜伽唯識等論耶且夫六識一念其躰空寂宛如

太虛本來清淨念無妄故譬如大海所以一念之躰自性清淨無垢染

已於此理心且立諸識名也判之云爲同在理心然今所言圓戒

之躰正在此理心所以者何凡戒者防非止惡義也蓋惟本理心

地清淨無過是非未分善惡未起迷悟淨穢無所分別是九識心

源也圓頓戒躰既根於此上品戒莫過之故圓戒躰名爲本性本

有金剛寶戒亦名虛空不動大師所謂中道妙觀戒之正躰上品



清淨究竟持戒者其謂之乎應知大小無盡一切戒行但是戒相之一邊真實戒躰者在本理無染心耳可秘之戒相與戒法麤細少異蓋戒相者性德衆行欲出修時其相自顯身口是謂戒相乃是發心名字位也戒法者正住實相之儀勉強三業與內相應是謂戒法乃是觀行之所修也妙樂所謂三觀出身口是戒相三業相應是則戒法者是也戒法者三業相應等云云且說相應旨者遠和尚云始自觀行終至妙覺與本理心相應故止觀明觀行相云心觀明了理慧相應所言如所行所行如所言是則三觀心地與言行相應舉足下足皆與實相不相違矣念々心地自照諦理是名三業相應耳矣戒行位多在住前然妙樂釋云起用起用多於住上真因舊華嚴賢首品廣謂說其相今所謂戒行甚以難知所在且傳相承義夫

四種戒則源出妙樂文以戒躰爲理卽戒以戒相爲名字發相所以戒法正當觀行相似前住是故住上顯發將名爲行乃非初心修行化他應同行々也所謂起用者起三密用正同佛果何者以一位卽一切位蓋夫以一念三千爲戒躰故善惡融泯邪正不二約此念修戒法故戒行顯現時身密普現示十界色像是以地獄衆生來佛所見地獄王餓鬼來佛所見餓鬼王等具如大經音聲亦復如是故金剛經云如來散一音悉皆周遍衆生出衆音謂獅子音龍音雷音等上意業亦能鑒十界機是則起三輪不思議之用也皆是全性起修之大用也上成躰也戒法也戒行也四種相承畢而文中自顯六卽成佛義有智焉者可知準梵網文持圓戒者名字行人卽同大覺是非越隔義乎遠師述相承曰是有二意一案位二昇進初義者凡六卽一卽初後不別



佛界恐  
佛戒乎

何者迷情強隔分六位悟見了達三千躰同躰同故初後不別且夫名字人初聞修性本具名解了我色心本來是佛本來法性既已解法性色心豈非大覺乎但名字人以信力知三千法性妙覺以智力碎解三千法性信智雖然三千理一中間觀行等熟益一分耳矣是以相承云妙覺名字畢竟不二又云等覺一轉入千名字妙覺名字不二故是以名字行人一受佛界即修德相全同妙覺無對不恭人語又荆溪尊者云名字佛能觀色心即是法性故名憑寄佛法界也未入果位不入果位不能益他故名鬱末高也乃九界之所敬貴上已當知名字當位即入大覺也云云次昇進義者若人入名字位則必到妙覺故也若退在五道衣內無價珠猶存即是修德下種也云云

金剛寶戒者通因果二位也遂和尚傳曰名字即佛性戒矣是但

語其初故也梵網曰廬舍那佛心地法門是亦偏說果上以戒躰同一理或因或果自在無礙發心畢竟二不別者此之謂也矣夫戒躰徧通因果而剋論其要則只因分戒也故遵師釋云因分蓋梵網經者結華嚴焉華嚴但說諸位因分不說佛果自證故十地論曰因分可說普賢境界等亦復梵網自言佛菩薩本源因位及種子因異名等當知在因位也是故和尚判梵網為因分戒乎問曰梵網佛性戒躰已屬因分若爾者果分究竟圓頓戒者出何經耶答曰是義甚深難傳且示一具夫性海果分戒躰者源出本門壽量三身即一也所以者如何凡本門壽量談諸法事々圓滿十界事具謂本地無盡劫來或成依報或成正報十方諸佛及國土淨穢法界有情森羅諸法悉是明一佛同體變作是則本地佛眼所照非迹中說故以本門事圓意斷定諸法則一切有情及國土世間



事々當處卽本地三身所爲而非業力所爲也是云本門事圓卽  
身成佛蓋以是言定戒躰有情善惡悉三身所爲依報淨穢全是  
佛所居舉足下足動作威儀本來毘盧之妙躰當躰卽圓頓妙戒  
也是則釋尊久遠實修實證爾前迹門非所論之豈與梵網因分  
同日語乎哉故大師釋曰華嚴中十方重々主伴互融唯言知識  
不云分身是未發迹顯本故今此本門開迹顯本會彼智識皆名  
分身釋迦應身名毘盧舍那此則本地三身本迹一躰十方佛菩薩  
及有情非情  
悉一佛性德四德修德四德能所併爲所依土能所不二名毘盧舍  
那佛身土不二諸法一躰其如此者何之所爲非戒也何之所思  
非戒乎是佛家一大事因緣可深秘矣勿向無機說一家相承只  
是在此也壽量品云如來如實知見三界之相無有生死是則三界  
名相本來無之本覺無作佛躰故一佛法界無有生死無惡無非

本來防非止惡之相非對治戒行是名本有戒躰而已且其果海  
無上戒行無可禁惡無可勸善依正二法塵々法々自居當位悉  
皆本佛果上變作生佛一躰之相也是故苟逗意圓戒所作善惡  
所造業報一切悉戒何者以本來無三界之相故喻如天子在位  
出種々令善令惡令悉名爲令本門果海圓戒亦復如是一切善  
惡所作所造悉皆爲戒是則極果天位戒令非因分權位戒令思  
之思之是大師唯授一人傳戒相承非輒可語予受此戒旨立戒  
壇於山頂改日枝山名比叡山夫山頂戒壇表無上果德戒體名  
比叡山表最尊無上自在如天位戒令耳矣  
問三聚淨戒有多種耶答然也圓頓三聚凡有三意一傳受二發  
得三性得一傳受者從本源舍那佛以來師資相承二發得者天  
崩地裂發此戒三性得者無始本有佛性卽金剛寶戒也云何傳



受謂我今欲傳三聚淨戒是昔蓮華藏世界盧舍那以心地金剛寶戒授妙海王及王子時惟我今師釋迦文佛誦持此戒次傳阿逸多菩薩如是其餘菩薩次第相承乃至印度支那傳來焉我假名菩薩比丘某甲受持此戒今亦欲傳汝等此傳受戒名爲言說法身若不相傳法身卽滅汝等當善受此金剛寶戒言說法身傳授一切衆生盡未來際不得斷絕能傳受否是故經云汝等新發意菩薩頂戴受持是戒受持已傳授諸衆生流通三世化々不絕得見千佛已上傳受戒如何發得謂我今欲發得三聚淨戒是者蓮華藏世界盧舍那如來本在因地初發心中從凡夫師受此戒時第三羯磨一刹那自身口意及法界色心之上發得如是無作戒品一發得後常住不滅遍一切處無有傾動盡未來際不可破壞成大菩提常誦此戒以爲內證心地法門受自法樂亦施他耳如是而

後彼妙海王及千王子阿逸多等諸菩薩乃至印度支那日本相承菩薩惟我假名菩薩比丘某甲乃至十方三世受此戒者皆悉自身口意及以法界色心發得此戒一如舍那今者欲令汝等亦於第三羯磨一刹那自身口意及以法界色心上發得如是無作戒品一發得後常住不滅盡未來際無有傾動成自菩提開他菩提如是發得無作之戒非凡夫見聞十方世界六種震動則於汝等自身口意及以法界之色心當作微妙可愛光明之形亦作天崩地裂雷震地吼之聲然發得無作之戒是非凡夫見聞之法唯有三寶聞所證見此發得戒名爲功德法身若不發得法身不生是故汝等當發得如是金剛寶戒盡未來際常受法樂能發得否是故佛言一切意識色心是情是心皆入佛性戒中等已上發戒云何性德謂我今欲示三聚淨戒昔蓮華藏世界盧舍那佛初在因地



蒙凡夫師開示力於自心開悟本有佛性法身之戒法身非得他法若得他法燃燈佛所得受記卽成佛道非得他法自修成佛故經中說曰衆生自得度佛不度衆生彼妙海王及千王子阿逸多等諸菩薩乃至印度支那日本相承菩薩惟我假名菩薩比丘某甲乃至十方法界受此戒者皆於自心開悟本有法身一如舍那今欲亦於汝等一切衆生自心開示本有佛性五分法身無始以來本在汝心無明覆弊至今未顯譬如狂人有如意珠以狂亂故都不覺知諸佛菩薩常欲開示汝等狂亂不可信受今發大心請新此戒諸佛大喜皆來摩頂同音開示汝等心戒身也汝等煩惱眼盲不見諸佛菩薩我今相代諸佛菩薩諦語汝等諸佛適今告汝等言一切如來金剛寶戒法身今汝等心中本來常住萬德圓滿明如日月糞如瓔珞三十二相八十種好遍一切處無所障

礙謙信此語是名成佛此性德戒名爲性德法身若不開悟法身不顯汝等當能開悟如是一心金剛寶戒也上來示三重相承畢圓頓戒意其相雖廣而不出此三重是圓戒骨目唯授一人可深秘而已

問上來三重其躰在同時否答同時也蓋以事言之傳受卽師資相承發得則豁然大悟性德無始本有約理則不爾矣謂凡戒躰以相承爲本故以傳受戒爲地盤其上建立發得性德而已且法不孤立必依緣是則依傳受戒緣發得焉發得者卽發得性德也是以三重全在同時

問三重戒其證出經論耶答然也經中有義無名論中名義俱有之諸論中云戒有三重一正受二串習三自性是全同前三重可思之又梵網經中謂汝新學菩薩頂載受持受持此戒已傳授諸



衆生流通三世化化不絕得見諸佛千佛授手是傳受文也亦  
日一切意識色心是情是心皆入佛性戒中是明發得文也又云  
金剛寶戒佛性種子是明性德種子戒躰當知梵網經中明文灼  
々明三重意秘之云云  
問性德本有金剛寶戒有三聚相如何答性德本有金剛者法身  
如來然法身內證有躰具三身亦名理三身此三身卽三聚也何  
者攝律儀戒中道法身攝善法戒卽空報身饒益有情卽假應身  
也故邃和尙傳言攝律儀戒十重及四十八輕心地戒藏攝善法  
戒八萬四千因果佛性常住藏饒益有情六度四攝無量行願藏  
當知攝律儀戒宰色々卽法身故律儀卽妙也攝善法八萬四千  
因果佛性常住法門主也法門主卽自受用報內證般若空智體  
性也饒益有情戒六度四攝等慈悲行願故應身假諦躰性也然

則三聚淨戒在性德焉則我等內證三身法樂是則非因分佛性  
果海三身本來在衆生心中不動不退是名性德三聚淨戒蓋本  
門壽量果分戒躰非爾前迹門因分性德可思之  
性德金剛寶戒中有應身三十二相謂一切衆生本心開示本有  
佛性五分法身無始已來本在汝心無明染礙于今未顯諸佛菩  
薩常欲開示其本心狂亂不可信受諸佛適今告汝等言一切如  
來金剛寶戒在汝等心中本來常住萬德圓滿明如日月粧如瓔  
珞三十二相八十種好遍一切處等大虛空諦信是語是名成佛  
此性德戒名性德應身蓋一切衆生無始心中皆有性德本有金  
剛寶戒性德本有戒中本來有無作三身無作三身如日月應身  
本來備三十二相八十種好報身本來具無量相好法身如來具  
十界色身躰周遍法界之全躰也是則以森羅萬像爲法性身是



性德本有無作三身名性德本有金剛寶戒爲圓頓戒躰也是生  
佛一躰有情卽三身法界唯一躰旨本門壽量果分不可思議佛  
戒也問若爾者性德本有金剛寶戒其躰實以本地三身爲戒躰  
耶答然也蓋性德戒躰已顯汝等自性心中故呼汝等卽爲佛也  
譬如一切義成就菩薩證三菩提之時於自胸中八分肉團可粟  
多心通達眞如自性清淨一心實相證得本覺心法身常住妙法  
心蓮華本來莊嚴三身德遠離因果法然具爲成大菩提須知性  
德本有金剛寶戒以無作三身爲戒躰也其本有三身者卽本門  
壽量所顯本地無作三身也有情具三身故善惡行住邪正坐臥  
悉三身威儀無不戒躰者是本門究竟極說也

問圓頓成佛必以何心爲初入耶答以信爲初入也謂諸佛適言  
一切如來金剛寶戒在汝等心中乃至信此語名爲成佛名字即佛驗知

圓戒成佛必以信入焉由信開悟由信顯法身終至佛果而已矣  
蓋圓頓戒煩不立妙解妙行不向觀念坐禪只直信性德本有金  
剛寶戒在我心中直持住本有三身戒德思我卽佛果與本地三  
身一躰時卽住三身圓滿戒德頓悟妙道不可過之是故名爲圓  
頓戒也且入秘密藏機有二種一以智惠入二以信入今爲信者  
示所信處所信處者卽三身所住我等已心也信是已心果佛名  
一心金剛寶戒卽以信得入耳經曰信是道源功德母已當信此  
戒躰顯本性刹那至佛果深秘々々

所住下一  
本有也字  
道源下一  
本有爲字

一心金剛戒躰秘訣上畢



一心金剛戒體秘決下

道邃和尚曰圓頓戒躰者示衆生卽佛實意也是故一一自具六  
卽成佛而已矣其相如何謂梵網曰衆生若受佛戒卽入諸佛位  
位同大覺已大師釋曰性德戒躰已顯汝等自性身中故呼汝等  
名爲得佛法分者信解品經文通達眞如自性清淨一心實相證得本覺  
心法身已蓋惟全理具十界現事成十界理具十界眞如諸法本  
來融卽是以一切衆生本來自知萬法本來自現十界形全非煩  
惱業所作皆是本來無作戒相也是則衆生本來理具十界謂地  
獄等惡業四聖善業如是十種諸法本是衆生本具力用諸佛覺  
知前境也何者佛者覺也智也覺於諸法知於諸相則非惟人何  
等是諸法何等是諸相謂十界三千羅列不一久遠劫來照々不  
絕斯之爲諸法躰如是諸法各具因果無始本有轉色身廻識神



無智一本  
作暫無

斯之爲十界相矣夫諸法全躰不增不減因果性相不一不異其  
躰相卽全居乎衆生心躰是名爲實相諸法當知實相者事々差  
別不亂不混本具心德無暫缺矣如是心德諸法不可不覺若夫  
迷此法不覺不知則雖有其德名爲迷情及凡愚雖情是凡愚而  
其德量全存不缺理性本具是故一切衆生或至地獄餓鬼畜生  
或浮淪人天等悉是全本具心德本具十界顯現修起萬法耳豈唯煩  
惱業所作乎哉是則衆生本來理具圓頓化他之大戒之相也善  
非是善惡非是惡只是住萬法本具念使衆生知佛意名爲圓頓  
戒躰也是則理卽戒行本有萬德若夫從經卷善知識聞圓頓戒  
躰名字顯髮剃除着於三衣一心不亂稱諸佛名或誦十二部經  
名字卽名字卽位具圓頓化他大戒也若夫觀行者觀心之行具  
圓戒相似卽見思已落相似具圓戒分眞分具圓戒妙覺者卽圓

顯恐阿

戒成滿具足諸位戒行而已當知衆生本來具圓戒非造作所成也

上來所示者明衆生本來登六卽今約三時示六位淺深者問曰  
一切衆生本來具六卽妙智境界與之不殊然強聞其勝劣答六  
位本躰弘通設化全無勝劣何以故旣云六卽卽豈有二物哉然  
所以有六位差者蓋由種熟脫而已矣何云種熟脫謂夫一切衆  
生本種三種一者下種益二者熟益三者脫益大師至釋化城品  
盛述此事有智者見之初下種益者蓋諸佛有三世益物過去爲  
下種中間爲熟今日得脫爲脫其下種有二種一者發心了因種  
是於過去諸佛所隨聞一偈一句意識分別領解是非是是是則  
以了因智慧分別佛說發心妙解是退復值中間諸佛種種修行  
世世成熟益熟復值一佛得脫益脫是則自始至終值八相成道佛智

丁因下熟  
脫下字



佛所下一  
本有解字  
是智慧下  
一本作以  
智慧悉是  
名佛陀

下種熟脫也二聞法下種者大異於前謂有衆生於過去無量劫  
生滅後時或從經卷或遇善知識通解佛法統了因果或有人聞  
一偈一句暗心信受等皆是聞法下種人也是人既以信受爲下  
種未必以智慧爲下種也是故是人於中間或持佛名或信經卷  
供養恭敬以緣因佛性開示悟入佛之知見也是乃自始至終但  
以信心得脫矣夫惟發心了因下種人初從八相佛陀下種故以  
智慧了別爲種是故熟亦在智慧佛所智慧佛何謂觀行相似分  
眞出佛滅後正像導利衆生脫亦在八相佛所脫是則以智慧佛  
爲下種以智慧佛中間爲熟以智慧佛爲脫能化教化悉是智慧  
悉名佛陀是則在世一段三益次第若約滅後前所言聞法下種  
之人是也謂初從凡夫未斷惑人發心但以信心爲下種益時是  
末法師是凡夫耳根緣法音身業禮拜口業稱南無佛或聞經名

夫形下一  
本有看字

果成下一  
本有形字

妙覺上  
脫覺聖二  
字歟

字悉信解信受納種在識八永劫不失是從名字即佛信心下種  
中間亦從名字即佛熟終亦生末法以名字佛爲導師脫益開悟  
然其爲導師也悉是佛陀未必有凡師何以故謂夫等妙二覺報  
土諸聖全性具法現修成戒相化他是故於末法者則以凡夫形  
化衆生凡夫形何也謂未斷貪瞋之形也於正像者則以聖賢形  
化之賢聖者何也謂觀行相似分眞已斷惑品之形也在世則現  
八相果成化之謂妙覺說三一之乘已斷盡三惑之形也上來所  
現凡夫及妙覺對化他圓戒全是一行無有二行悉是圓頓戒行  
之所爲也且夫妙覺相好權實二智雖躰是無窮而於末法人更  
無有益矣中間三即雖其智絕於末法及在世無有得益名字凡  
師於在世及正像亦復如是豈以未斷惑智化斷惑人哉妙覺若  
出於末法者豈以斷惑智更化未斷惑機哉機應不對何謂圓頓



感應耶以要言之妙覺佛者於末法及正像而無益矣中間三卽於末法及在世而無益矣名字凡佛於正像及在世而無益矣無益焉則不名爲佛以有益名爲佛耳是則末法衆生以名字凡師名爲佛陀聖師非佛在世以八相佛名爲佛陀凡師非佛正像二千例之可知應知言凡言聖云斷惑云未斷皆是三教言說從本立名圓家暫受其名極圓頓意不然矣未斷凡夫全是佛陀斷惑聖人亦是凡夫無有以斷惑爲聖以未斷爲凡義能應於時機方便說化時々當機佛現圓頓戒行一心應遍之形相壽量品云或示己身或示他身或示已事或示他事等是則釋迦文佛全性具一心遍現十界依正十界凡聖悉佛陀依正二報本來法身何物非佛乎何物不具戒乎是以過去諸佛及賢聖挾子接妾引導開示不捨家而徧化衆生或捨家清淨強化衆生等並是圓頓戒行

一心遍應相也可祕可祕六卽成佛畢

圓頓戒牒有一得永不失義何以云不失謂有受法無捨法故也問曰縱雖圓戒遇破戒緣豈不失耶答雖起五逆十惡皆成佛道不破戒果故無行經曰貪欲卽是道患癡亦復然如是三法中具無量佛法若人求佛道莫壞貪瞋癡若斷貪患癡欲求諸佛道是人去佛道譬如天與地已大圓覺經曰諸戒定惠及姪怒癡俱是梵行已大般若云應知以不護圓滿淨波羅蜜行世間現爲孝師教殺害千人千人手指編爲頭髮是故名爲鴛堀摩羅此云指髮此孝爲戒非犯殺害昔瑠璃王殺無量人以此城內人則惡難化但臨斷命發菩提心此殺名爲入法界門非犯殺戒昔和修密多發願利人吸我口者得大辨才合我胸者得大智惠執我手者得大福德嫁我身者得大菩提等此是姪欲爲戒非犯姪戒應知



三毒十惡皆名戒行。況十善耶。是以闍王殺害父母。通達佛道。達多造三逆。受三禪樂。婆數以殺牛。故身隨地獄。還卒地獄。人來至佛所。悉令得道。是則善惡無定果。全一心具德。普賢色身。現一切令物向覺道。卽是一心寶戒也。昔散脂鬼於毘婆支佛所發大誓願。常作鬼王。教化鬼道。堅誓獅子菩薩。變化常爲畜生化畜界。當知五逆三惡。皆爲寶戒。加之淨名居士。行在家法。通達佛道。末利夫人處王宮。解了佛乘。自說戒法。巧犯酒戒。須知一切俗塵。悉是圓頓戒。躰經云。一切世間治生產業。皆與實相不相違背。皆順正法。已是則圓乘戒行。但有受法。終無破法。故名名虛空不動戒。亦名金剛寶戒。而已。然譬喻品中。佛告舍利子。二萬億佛所常教化於汝。今汝廢忘。告富樓那。昔十六王子時。久教化於汝。汝今住小。故說一乘。令憶念本願。上已。此是雖廢忘不意捨。故不名犯戒。也是

故性海果分。知見十界三千。悉住金剛寶戒也。蓋惟惡則性惡。全躰善則性善。全躰無二。無別強名。爲十界互具。及一心金剛寶戒。十界三千。皆是居當位而不毀。自性不改。其形善惡。凡聖一切事業。皆是不出法性。法性性躰。不變不動。阿鼻依正。毘盧身土。全躰卽法性。躰用豈破法性。躰更求法性耶。但衆生於善惡諸法。起偏計妄執。自執利劍。切已手矣。得道人不然。善惡二法。統之一心。九界佛界。攝之佛藏。是以不壞萬法。不改善惡。卽住其金剛寶戒也。金剛者。不壞義。爲金剛戒。躰體具十界。遍攝善惡。性具全躰。不動不壞。是名爲一得。永不失而已矣。然無智人中。莫說此經。謬入邪見。墮惡道。可慎。可慎。可秘。可秘。問云。諸經論中。以善爲戒。其義分明。未聞以惡爲戒也。答。諸經論多說。正像律儀。當機一往說。而非遍被。三時及十界之戒。且夫金剛戒者。諸佛內證。十界觀照。躰遍統



金剛上一  
本有佛性  
二字

三時及十界現非善非惡平等十界之身而攝凡聖心是則以三教但善但惡不可同日論故梵網中既名佛性戒大經云佛性有二種一有二無有者所謂三十二相等首楞嚴等無量三昧無者所謂如來過去諸善不善無記業因果報等上已應知善惡無記悉名為佛性金剛不壞戒何言惡法非戒耶但以惡為惡者三教妄見而非圓佛智見蓋經論中不說佛果有惡者以衆生不慕佛果也故南岳大師傳曰匿性惡名若說有惡衆生聞之不可願佛果化儀有鑿故且匿性惡名也上已

問云於圓頓戒有犯戒者耶答圓戒有二種一者菩薩戒二者佛戒菩薩戒者遂和尚云菩薩有四類謂四教菩薩是也三教菩薩有持犯矣圓教菩薩屬於佛界一心遍於法界住本具金剛而從因向果之日或有制犯義次佛果戒無犯無捨下盡阿鼻上至佛界

菩薩之疑  
菩薩戒歟

其一本作  
夫

所作事業本來毘盧全身無有犯名或善或惡煩惱生死本是如來藏本具萬法權實二智了然覆十界內智融法界凡聖名絕九界佛界無不善行何是非戒哉犯是犯何等法哉可秘之云云

問云菩薩戒與如來藏戒同乎異乎答不同也難曰菩薩之與佛戒同是圓頓何以論優劣答菩薩戒本意雖圓頓因分修戒未及果分證戒其未證戒果故於戒不得自在自在者何善惡不二持犯不異遍現諸境界攝善惡凡佛機是也其既不自在矣則十界不融十界不融矣則事事差別事事差別矣則不應真如自有犯義耳是則菩薩因分戒事識妄見一分隔之故於善惡二法攝化未自在故雖名圓頓自有劣而已如來果分戒本大異於此謂善惡凡聖菩薩佛一切法界悉是本具一法不可缺之缺則非本具佛性萬法具於一心善惡之名殆乎絕矣但能攝九界而不違佛



用早疑用  
畢高誤乎  
戒亦靈形  
壽之戒故  
云用早敬

性則一切善惡無不戒躰豈有何等惡法犯之耶是則九界權智  
佛界實智二智究竟遍總法界一念本具全具顯現全躰起用十  
界身土無非毘盧妙躰是以名果分圓滿究竟戒亦名一心金剛  
戒故經云唯佛與佛乃能究盡諸法因果實相等云云是則妙覺  
果分智躰無見惡法而已矣  
選和尙云戒法有多種一者外道戒執無因無果也譬如狂人虛  
空構屋何用之有焉二者三善世間戒因生果生業盡隨惡道譬  
如楊葉秋至則似金秋去則落地三者二乘戒持則果拙漸在人  
天非二乘本所期也破則永捨譬如瓦器若完則用早若破則永  
失四菩薩戒持則成法王犯則成世王而化人天且不失戒躰也  
譬如金銀以為器用則貴破器不用之而猶貴五者如來寶戒一  
受之則永劫不失而施大用於十界譬如金剛一成利寶更不破

敬 恐

壞有人入闍觸寶害身自謂馳散身腫心悶明醫示寶自知非馳  
還得財寶可用自在真如佛性既為戒躰一切諸法無非戒躰耳故  
般若云不應分別此戒法此能持此所持此持犯等一切諸法皆  
是真如住真如念必平等化衆生化衆生不違時機能攝化物機  
則是等覺大士住持妙覺如來戒也當知善法惡法應時皆為律  
儀云云可秘之

圓頓戒道場有二種一者內場二者外場外道場者盧舍那佛住  
華藏世界為諸菩薩說十重及四十八輕戒又復靈山虛空為道  
場為一乘機說虛空不動戒此是外道場也次內道場者行者自  
身本來住寂光道場居金剛不壞宮室也已心滿然而應一切本  
來持金剛寶戒也窻和尙決曰若受菩薩戒地變而成金剛座上大  
劫三災不能破壞此地故南岳口決曰餘地雖壞此處如銅柱乃



是得戒菩薩後身當座之地餘地不能住持是菩薩身金剛之力  
唯有此地住持金剛力令成正覺耳法華云若說法處即是道場  
是也普覽觀經云菩薩戒自然成就其佛住處名常寂光當知受  
菩薩戒處即是寂光是則內道場色心圓融善惡而住之矣故隨  
所住處善惡融即淨穢區泯故所住處成常寂光也何者善惡融  
即色身全性起修已解知已身他身不二圓妙是人全同於佛惠  
故經云發心與畢竟二不別既是佛身所居豈得非寂光耶經云  
若於林中若於樹下若於僧房若白衣舍若在殿堂若山谷曠野  
可持是法所以者何當知是處即是道場諸佛於此轉法輪上已故  
知一切有情一受金剛寶戒解知善惡圓融旨或在林中樹下一  
句一偈說法教化皆同座諸佛道場可秘可秘涅槃云何得長壽  
金剛不壞身佛曾於自身修菩薩戒故也云云是則今日得自身

金剛由昔日自身金剛當知自己色心即是道場南岳云圓頓戒  
行相以自身爲道場又以自心爲道場何遙指華藏及靈山耶上已  
口決云圓頓人一解知萬法一切諸法莫不清淨善惡二法無始  
已來具自己色身無一不清淨之行其已解如是色心畢則在林  
中樹下或在僧坊或在白衣舍不簡居動不問威儀唯應於時機  
說法教化宜於持戒須用持戒法宜於無戒須用於無戒法何以  
故一切善惡諸法皆是佛法而有一心金剛色心故當位即是等  
覺大士也性具萬法普現色身莫不清淨戒可秘可秘  
列祖相傳曰圓頓戒三聚佛性爲躰佛果爲相圓融萬法開會  
五乘直道修行論即身成佛而已矣然此猶迹門戒意非本門意  
故從眞如妙理出佛果相也本門果分戒躰隨緣萬法善惡二法  
當位即歸於本地無作三身云何歸於三身謂十方法界有三身



土一者應身土二者報身土三者法身土初應佛土如釋迦文白  
四羯磨求受菩薩戒是則凡夫二乘及天龍八部等六道機爲所  
化衆二者報身土唯有菩薩持受戒躰其身中具同諸佛躰戒性  
具權實遍現十界菩薩出假事業所現善惡悉歸報佛身中一躰  
不二三法身土者諸佛諸法悉入毘盧舍那一躰智海是則六道  
及二乘所爲所作悉同於應身行狀菩薩所作悉同於報身諸佛  
諸法悉通入毘盧妙躰當知十界諸法悉是三身行相善惡凡聖  
莫不佛陀三身卽一故十界亦卽悉歸於毘盧身土既而一切有  
情行住坐臥步步念念治生產業全同於本地三身以是思之生  
死煩惱在何處唯是三教所談名而已三惡四趣何者畏毘盧舍  
那顯現體而已是名本門果分戒也不可說不可說  
圓頓戒壇有事有理事壇者作法受得戒師所登此全表蓮花臺

藏也理壇者以已心實相爲戒壇道場故不簡淨處不淨處不問  
善惡所作唯解知人之所居一切時處悉是戒壇而莫不臺上故  
經云法師弘通此經者皆是以如來供養而供養之人己蓋以所  
作業無不皆佛故也是既同如來如來所處豈非蓮花臺藏界耶  
經云林中樹下僧房在家皆是道場者是天台大師云壇者唯佛  
與佛還居心地成正覺然則居已心中實相是名爲眞戒壇耳縱  
大小無量戒生盡躡之不解佛意徒住羸念則無出離指歸不可  
有之律落髮髮預高祖貴原不居實相心壇則外道常爲鬼魔眷  
屬故知有人一見本心實相妄想速息常是聖位非輪迴人神通  
光明又是魔相也是故須登已心實相戒壇常蒙手報佛光明也  
問圓頓戒壇唯佛與佛照已心實相若爾者行人心躰全同唯佛  
與佛歟答然也故遂和尚決曰圓乘意談實相心地本來清淨唯

無出離一  
本無無字  
高祖一本  
作高僧  
輪迴入下  
恐有脫語  
戒壇一本  
作戒躰



佛與佛亦以實相為心地是故凡師全同佛果而已矣實相法者以十界善惡因果悉不違本性名焉凡師聖師須善惡時機能以善惡法而開示之則從果向因等覺也

天台大師云夫持戒者持者持己心破者破己身上已蓋己心者性具善惡也能持善行能持惡行善惡融泯心如真如如是則十界相貌所作事業悉成戒躰三教何不持惡耶當知已心者即一心一心即善惡善惡二法本有性具金剛不壞也是名為持一心金剛寶戒不可秘而說之

天台云行者欲修本有性戒者金剛寶地上建立多寶妙塔葬二經本迹秘法以築戒壇寶塔是大慈悲為室繫墮相袈裟袈裟是柔和忍辱衣敷尼師壇尼師壇是諸法空為坐上已蓋是靈山虛空妙塔出現說虛空不動戒即常寂光也於此妙土傳受性具圓戒

寶塔慈空是假諦表應身遍應九界之相總統善惡忍辱之衣是中道表法身遍一切處具佛性師壇空坐是空諦表報身無緣智躰常照十界此則三諦三身攝善惡萬法之相故加立之壇上耳戒壇葬二種秘密者二經即本迹二經秘法者即是本迹實相迹門意談九界衆生理具實相是不變真如也本門意談衆生所作事業即是實相具本地三德是隨緣真如如是二真如遍攝十界法即是佛心佛心即是金剛戒躰故葬二經云

問云寶塔品中明圓戒意文有諸答云是名持戒等可秘可秘圓頓行者修得本有性戒本有性戒者何謂無始善惡蓋一切諸法莫非心性一性無性三千宛然故順於本心實相平等持善惡是名持性戒是性戒修得顯現一見本心諸法是名為修得果戒云云



問曰圓頓戒總被五道衆生耶答然也故弘決第四曰七衆并資  
五道通被<sup>上已</sup>又梵網經云姪男姪女悉是受戒<sup>上已</sup>心地觀經曰餓  
鬼禽獸闍王獄卒皆來聽菩薩戒法<sup>上已</sup>然則十界衆生本具金剛  
寶戒者乃是性德之理若夫聞佛道名字隨順佛道之理者身口  
二業雖作惡業而名爲受戒乃是修德之戒故姪男姪女悉可受  
戒云云秘之秘之

問金剛寶戒者談諸法實相也若爾者可用妙解耶答然也天台  
大師云金剛寶戒者解而受持者二死大夜忽明三聖傳受一在  
斯耳<sup>上已</sup>當知既云解而受持故妙解上受金剛寶戒妙解乃解了  
之名字位也

三聖傳受金剛寶戒者三聖者乃釋迦文殊彌勒也故普賢觀云  
唯願釋迦文佛正遍知世尊爲我等和上文殊支利菩薩者願以

大士下恐  
有脫語歟

智惠授我清淨諸菩薩法彌勒菩薩者同憐愍我故亦應聽我受  
菩薩法十方諸佛現爲我證諸大菩薩各稱其名是勝大士覆講  
衆生助護今釋迦牟尼佛爲我和上文殊師利菩薩爲我阿闍梨  
當來彌勒菩薩願授我法十方諸佛者願證知我<sup>上已</sup>道遠和尙云  
依普賢觀二聖者諸佛同學三師者釋迦文殊彌勒也是則法界  
同牀諸佛菩薩智所照中受戒法故受戒當位卽大菩薩諸佛光  
中臺上受戒者此之謂也

謹案金剛寶戒之旨靈峰塔中藏乎二智臺上舍那詮乎心地權  
智照九界實智冥一如善惡當位悉成佛道將是圓頓之戒也  
延曆廿四年大唐貞元二十一年春三月三日於台州臨海龍興  
寺淨土院書焉



一心金剛戒體下畢

一心金剛戒體緣起

吾聞之大師一心金剛戒有兩宗之派一密教金剛二今家金剛  
大唐盛傳密教戒名曰金剛其爲戒也依金剛部式大日法身爲  
本師兩部和合爲能持名曰境智一心也一行和尚始作是戒自  
爲阿闍黎然瓦官寺羯磨師云一心金剛戒者其名始乎今家智  
者大師始立是名以顯圓戒之妙旨也一行師竊取是名以附密  
戒其名雖同其戒不同是以我今所傳與密戒義不同乃智者大  
師所傳圓戒而其名出梵網儀吾今以所聞表書卷首爾

于時

承和七歲次庚申八月二日

菩薩比丘 義真 叙

此書凡有十門



- |           |            |
|-----------|------------|
| 一一心金剛戒大意決 | 二諸戒不同決     |
| 三受戒灌頂決    | 四凡位卽等覺決    |
| 五正像不攝化決   | 六梵網塔中二種相承決 |
| 七因分果分勝劣決  | 八圓頓戒躰攝受折伏決 |
| 九圓戒非戒決    | 十果戒常住決     |

一心金剛戒體決

一一心金剛戒大意口決

最澄謹言幸哉我等於大聖前同稟金剛之戒願盡末來際不廢慈悲攝化之念也蓋圓戒之所歸但在於慈悲攝化之業至於慈悲攝化之不間斷則得一心金剛之名也故受此戒者不可苟廢慈悲攝化之念也伏惟一心者法雲後心等覺一念或出作善三業或入作惡三業善惡三業悉現於一念慈悲攝化當而不斷故云一心金剛者不壞之名也菩薩得是一心時或以善戒用同三乘人天之樂或以惡律用生八熱鬼畜之苦若樂若苦慈悲之心不斷攝化之念不壞喻之以金剛然瓔珞中說等覺位名金剛心論疏中以破元品難破釋之蓋惟元品無明微細法愛著自境界不樂利他自從實乘眞因初住已來常有是愛尅論其躰則慈悲之



無明下恐  
有脫語乎

化上疑  
脫攝字

之下疑  
脫心字

獲證乎

具恐其歟

有斷間者矣若慈悲不斷攝化不壞乃能破微細法愛故亦以破  
無明慈之論疏實意其在于此今金剛佛子我等以凡夫心已受  
圓戒心雖凡夫位齊等覺若有慈悲化之心則善惡行皆成戒相  
姪欲即是道瞋癡亦如是淨名姪舍酒家皆成菩薩行況戒善行  
寧不戒相躡乎若夫无慈悲攝化之則三乘行尚劣鬱頭况姪欲  
等業乎惡道因緣可恐可懼  
二諸戒不同決

夫戒相有自他戒躡有色心戒躡且置之戒相自他者蓋小乘戒  
者為自持之大乘戒者為他持之小乘人但恐自隨于惡道是故  
賢聖因中暫持自獲若至証果則滅五分灰戒無作此名為小乘  
戒也且未曾有慈悲攝化之心故不以善戒生人天豈得以惡律  
為戒相耶大乘戒者爾有共別共大乘者具戒共小雖有化他終

各名  
類

歸於自行瑜伽唯識所明三論法相所持別大乘戒者永異小乘  
別為化他不專自行別為菩薩不共小乘其所持相有順有逆順  
持但在於善聚逆持且通於惡聚善聚者梵網十重四十八輕方  
等二十四戒涅槃五支十戒等皆以禁戒為其戒相也惡聚者此  
教菩薩雖知法性但善而無惡而為化他修諸禪定以禪定力故  
能為惡逆行於非道而為佛道行於破戒而為持戒淨名姪舍酒  
家其義可知善惡二戒徧攝一切乃欲成就眾生淨佛國土成佛  
時二戒攝化成報身無量功德此是別大乘人地前所持戒相非  
圓人所持相也圓人所持之戒相者十住發心得其分戒至等覺  
位因分成就舍那心地為之印可得善惡同現一心戒於是初知  
慈悲攝化常住不變初信佛法中無自行可安者自果可住者若  
論戒相則同別乘善惡二聚俱為戒相名論持心則異彼持同現



一心不以惡為假以善為實也亦不以善為順持以惡為逆持也  
善惡二聚俱實俱順並稱法性實是中道不具戒而已矣  
三受戒灌頂決

夫以前為受戒後為灌頂者則是權乘之義也受戒即灌頂同受  
同灌而無前後者則是實乘之義也所以者何且權乘意十信初心  
受具足戒以是戒德生諸淨土自利々他徧學諸佛三昧廣行諸佛  
道法道定二戒入善惡聚滿行向位登於初地乃至法雲等覺初  
受十方灌頂而為化他滿足之誠証也是則受戒灌頂前後異時  
受戒即化他未滿之位灌頂即化他已滿之位前後歷別別大乘  
之式也若實乘之意其義天隔蓋是梵網所明華藏世界實報菩  
薩法雲灌頂等覺受戒法雲等覺開合不同故經中亦有不立等  
覺者然則灌頂受戒同受同位更無前後亦無歷別者實乘之式

也伏惟實乘意蓋以化他為佛果躰故三身中即以報應為佛多  
本未嘗滿化他別有自行可安者未嘗離報應別有法身可歸理  
若有自行可安處法身可歸理別是三界法受全屬煩惱權乘謂  
為佛果實乘謂為無明無明煩惱寧為佛果乎大經佛陀者度生  
義也又云如來者慈悲也度生大慈豈有化他可息時乎當知佛  
陀者只是化他之異名也況復四弘化他之願心何招自行之果  
體問云實乘中亦有自覺及自行之名此義云何答云但是究竟  
化他之事說名自行之法非別有自行之佛故智者大師云自行  
權實二智即是化他之權實二智也其旨可知實乘佛果其既如  
是實乘真因亦復如是同以慈悲攝化他行因躰雖然等覺已還  
其於化他未得自在未得自在則慈悲攝化亦有間斷矣即是似  
如自行可安者化他可息者此云實乘未滿者若至等覺其於化



他得最自在則慈悲攝化亦無間斷矣此云實乘已滿者此是非  
息化他之謂也亦能出化他之謂也所以然者以化他不息而爲  
佛果故因行亦順之耳然實乘意以戒爲化他之方法以灌爲化  
他誠證是以戒灌兩法同於等覺後心而用之也蓋惟實乘戒灌  
化他之器而非自行之器妙覺果位究竟化他等覺已滿同現一  
心能隣果位所以灌戒於等覺位者則是以化他之器加乎化他  
之位令化他佛果顯現者歟若不爾者梵網臺上盧舍那佛何別  
於等覺位乎故知受戒灌頂同時同行但在實乘此名等覺一心  
金剛寶戒也原夫化他常住盧舍那佛證化他常住心地法門明  
照等覺化他自在之一心卽爲說心地法門灌智水於頂上銘果  
戒於金剛意令等覺信知佛界心地盡未來際但在於化他無有  
自行可安者化他可息者圓頓大戒豈有過之者乎與大權乘前

受戒自利利他後灌頂化他已滿終至於佛果有自行可安者化  
他可息者同日語之乎良以化他無常則戒亦無常令受戒灌頂  
必異時異行而已矣可秘可秘  
四受戒灌頂凡位卽等覺決

夫上來所述梵網臺上舍那心地獨在等覺得一心金剛者也今  
家所傳其亦依之然智者大師通授道俗名圓頓菩薩戒也亦名  
梵網相承也亦名塔中相承也口授同稱一心金剛也故能授闍  
梨師不曉其旨則所授者亦何功之有矣今將述之大段爲二初  
述儀式次述受相初儀式者卽依梵網華藏界中三重儀式也夫  
戒壇分高下請戒師於高壇此擬舍那佛臺上也羯磨師十人此  
擬十方十佛也助戒四人此擬四菩薩也助羯磨師十人此擬十  
方葉上菩薩也二佛並坐此擬塔中也本來所傳久遠報土各持



花水立於其位此擬十佛智水而令受者登下壇即為金剛後心也而授十重禁戒四十八輕即為同現一心善惡自在也於是令化他不斷令慈悲攝化不壞金剛戒心成就滿足梵網云若受是戒者即入諸佛位位同大覺可仰可信金剛佛子吾等一受是戒其要只在於慈悲攝化之不斷也故受戒後或作惡或作善或破戒持戒意在於攝化則同於等覺乃得善惡同現化他不壞常住于一心金剛戒躰豈非凡心當位即等覺耶若夫無攝化之心則全同邪業可恐可懼既已受戒宜灌花水於頂即是擬十方諸佛各放光明以照其頂以智水灌之頂蓋是化他不壞誠証也受戒灌頂其義如是次受相者梵網經云一得永不失圓戒受相但在此句能契此意凡住受心即成等覺一心金剛今家相承云圓頓菩薩戒者以化他為本質是故本師舍那明照等覺一心化他自在

之念授之而後通授一切凡聖及鬼神等決之云一得永不失慈悲攝化之心不失則是戒亦不失矣慈悲攝化之心失則是戒亦失矣夫化他者至誠之慈心也故雖聖位不能無失也如諸羅漢等雖凡夫亦有不失者如雪山童子等是以梵網圓戒別授等覺通授一切凡夫聖人在出鬼神等未必問智斷高下賢聖位次良以如來欲全衆生起至誠之慈心即得等覺一心金剛戒故也夫如是則金剛佛子吾等能住慈悲攝化之念或用善戒或用惡律隨機隨時攝化不失則善惡行中戒躰不失凡夫當躰即同等覺善惡同現化他自在一心金剛盡未來際此名一得不失之戒也相承如是可々信々問云小權結戒隨在出二家及沙彌等其戒不同今梵網結戒亦有不同耶答云不然同以等覺所受重輕通授一切凡聖其意如向問云戒壇儀則其相擬華嚴聖說之歟抑



亦有實歎答曰南岳相承天台傳燈並是靈山親證大師豈可以虛設傳大事因緣乎蓋夫能授戒師有因果之異在世以果佛為戒師滅後以因人為戒師果佛者華藏舍那即如梵網因人者等覺已還即指諸人師故大經中以滅後人師為四依謂初依二依三依四依也名字觀行此為初依六根淨位此為二依初住已上此為三依等覺此為第四依依者謂衆生所依止全同如來故彼經云善男子我滅度後有四依師能弘我法未來世諸有智者當依是四人行道四人所說與我無異然則今以凡師擬華藏果佛者則是大經遺命二依大師所相傳者也若不擬之大違四依說背不異之文當今人機稍轉反更無二依師須以凡師為初依以擬華藏海衆此是大唐第九祖相承國清和尚之決也又瓦官寺羯磨師云汝等佛子見凡勿輕妙經歎初依曰應以如來供養而

供養之是如來使也何謂非華藏海衆也相承如是可信可秘五正像末三時攝化決

夫等覺大士以善惡同現化他自在之念冥契舍那心地之果得諸法幽玄之妙証金剛不壞之戒無謀妙應自然攝化故善惡融泯盡稱戒躰是以遠起十界善惡三業顯現本具無作妙色或作十惡三業顯現三途苦色或作十善三業顯現三善樂色或作無漏三業顯現涅槃妙色或作非漏非無三業顯現佛菩薩妙色十界善惡三業動作皆是戒因顯現諸色皆是戒果戒因徧十界戒果徧十界善惡同現心地法門何處為己界何身為化他身何色為衆生何法為佛果三善非自界三惡非他界當知己他生佛善惡諸法皆悉一身一界俱是中道俱是法界故無自行可安處無化他可息時實是一心金剛不斷不壞之戒德也若近攝闡浮則



亦有正像末不同正像中多是善聚爲戒也故諸佛菩薩攝化其  
機多用三學應之末法中多是惡聚爲戒故諸佛菩薩多用素法  
應之蓋其所期本在化他故善惡二聚三學素法皆是慈悲攝化  
之法無一法非金剛戒躰者原夫過去佛末法有二菩薩一名喜  
根二名勝意各領徒衆說法教示喜根菩薩不持淨戒不說過罪  
但說姪欲卽是道勝意菩薩持禁戒制過罪常與徒衆俱謗喜根  
曰喜根輩生死人此惡道之法也終墮地獄如無行經竊惟喜根  
菩薩以金剛戒應其時機勝意菩薩不知金剛化他之戒故妄謗  
之終墮地獄自他戒躰其旨天隔豈但以色心作無作等分其戒  
躰耶十界妙色三時一化同現一心蓋是金剛不壞之戒躰也澄  
今皆定意而向戒法則是末法太在近故也思之惟之  
六梵網塔中二種相承決

皆一本  
作皆

問曰上來所述金剛戒躰願聞相承答曰今家戒躰相承有二一  
梵網相承二塔中相承梵網相承者彼經受戒灌頂有三重式謂  
臺上葉上葉中也臺上爲舍那葉上爲應身葉中爲化身報應化  
三佛次第居三重此舍那佛戒壇之相也次臺上舍那佛爲葉上  
菩薩說心地法門諸戒此等覺受戒之相也若依是式則以舍那  
爲本師葉上釋迦文佛受得是戒成道作佛  
第一本師臺上盧舍那佛  
第二寂滅葉上釋迦牟尼佛  
第三文殊普賢等諸大菩薩  
第四龍樹大菩薩  
第五北齊惠文大師  
第六南岳惠思大師



第七天台智者大師

第八章安尊者

第九智威尊者

第十惠威尊者

第十一左溪尊者

第十二荆溪尊者

第十三道遵和尚

第十四傳金剛佛子吾最澄

已上梵網相承師資傳戒其義如是

次塔中相承者此依法華為相承也法華寶塔品於靈山多寶塔中二佛並坐釋迦牟尼佛集分身諸佛現三變淨土相變娑婆世界為自受報土此靈山塔中戒壇之式也然而塔中釋迦牟尼佛

給持

為分身及大眾說妙戒曰此經難持若暫持者我則歡喜諸佛亦然如是之人諸佛稱歎是則勇猛是名持戒傳曰此經者諸法實相中道妙理也暫持者受持妙經一四句偈也諸佛稱歎者十方灌頂也名持戒者給一心金剛戒也此是塔中受戒法門永異梵網若依是式則以釋迦為本師

第一塔中釋迦多寶二如來

第二十方來集分身諸佛

第三文殊普賢等諸大菩薩

第四龍樹大菩薩

第五北齊惠文大師乃至十三傳至吾最澄已上塔中相承師資傳戒如是問曰二種相承有同異耶答曰有之大唐阿闍梨相傳曰梵網因分戒躰塔中果分戒躰所以者何梵網戒躰菩薩自修



万行至等覺位成一心戒故云因分也塔中戒躰如來攝化果德戒躰果海二佛不待其機對告諸佛以授一切既云我則歡喜諸佛亦然我則釋迦諸佛則十方三世唯佛與佛密意之戒故云果分七因分果分勝劣決

問云因果二戒有勝劣耶答曰有之相傳曰因分戒者善惡同現大悲攝化將破无明等覺一心無明闇昧之戒也果分戒者法愛已盡果智圓滿明了種智之戒也因分戒躰一滅而後能究果德其優劣可知羯磨師曰因果二戒大有優劣吾聞之荆溪尊者因分戒者等覺修力猶有微細無明故化他息則戒亦息矣化他起則戒亦起矣持力高廣幾乎絕凡路果分戒者其義不然果智圓明釋迦文佛乃能究竟諸法性相自說曰一句一偈若暫持者我則歡喜諸佛亦是則妙經一偈一句若暫持者名爲持戒然則不限

佛本  
作戒躰

妙經或稱諸佛名或散花禮拜等皆已成戒體故今經曰一稱南無佛皆已成佛等云云當知塔中果德種々善業皆成佛躰是則佛果圓明知見自作此說故非下地之所測也然則果分戒躰無戒之人名爲持戒何人不持之上從分身諸佛慈悲攝化菩薩下至博地無戒者令其悉具圓戒皆成佛道此非因分所及也問因分果分既有優劣何廢梵網不唯用塔中耶答此義亦有相承傳曰受戒式者則且依梵網謂三重本末戒壇等式也戒躰全依塔中謂諸佛所証實相妙理唯佛與佛果德二智分身諸佛慈悲攝化皆歸入實相妙理故果德不思議一心金剛以今經妙理而爲戒躰故止觀曰中道妙觀爲戒正躰是則以實相妙理無作本具而爲戒躰也

八一心金剛攝受拆伏決



說一本  
作觀

乘一本  
作樂

夫金剛戒牒有攝受拆伏二門攝受門者但有善聚隨其時機而修慈忍禁戒清淨諸惡莫作常在深山及蘭若離諸惱亂不著世間修禪及惠以攝諸衆生即安樂行中離十惱亂閑處攝心不悅他經典過及諸餘法師罪柔和忍辱說法利他具如經文此是金剛戒人攝正像機善聚之戒也法師品中衣坐室及諸大衆中攝化律儀亦復如是此名圓戒攝受之化也次拆伏行者如維摩大士優婆塞行常居在家而拆伏諸大羅漢說其過罪或以女身破長老此皆無戒在家而破持戒聖者也又復問答往復而截其首或不信受者破其頭在世及正法猶在拆破況像末乎故法華不輕品中明過去威音王佛末法不輕比丘唯唱二十四字強毒四衆四衆墮獄而不顧之是故大師釋曰法華明攝受頭破七分等非無拆伏此是金剛戒牒攝像末及惡聚無戒之戒也如是二門

善惡行狀皆非証一心金剛慈悲戒則不能行之

第九圓戒非戒決

歌一本  
作妙

夫圓戒非戒相傳今家獨立之名也蓋一心金剛戒牒者但以大慈化他至心爲其正牒故十界三業顯現教色都歸戒牒此云圓戒非三學中戒故云非戒蓋三學中戒者自行入道之器而清淨禁戒但妨身口之非感一界之果報一心金剛戒牒者通善惡三業諸法同現一心顯現妙色牒徧十界故能現善惡作業俱爲戒因所現善惡色心俱爲戒果無一法而非戒果者言定言惠並亦作業一分也故大經曰動不動俱是毘尼也此云圓戒非戒而已矣

第十果戒常住決

夫戒牒所持相如前所述能受果戒今將述之然梵網舍那佛能

受  
戒  
牒



雖說心地而未說自果戒塔中釋迦佛能雖授果戒而未明自果常住但壽量品中顯自果常戒經曰然我實成佛已來無量無邊百千萬億那由他阿僧祇劫從是已來或示已身或示他身或示已事或示他事皆實不虛釋云成佛久遠果戒常住已身他身已事他事十界變現依正即是果佛化他圓戒之相也由之現之現上舍那塔中釋迦化他說戒非適今也久遠劫來慈悲攝化顯臺妙色躰應十界於是初知果戒常住此是本果久遠果戒根本果德戒躰也故我等所持戒躰盡未來際常住不滅此云果戒常住也可々信々

一心金剛戒躰決畢

圓頓戒脉譜口訣卷上

傳法四箇脉譜口訣之一

釋 良 助 記

總口訣云圓頓戒者正依法華傍依梵網抑於圓頓戒有戒體傳又戒體之上有戒相戒相之上有戒法戒法之上有戒行是爲妙樂相承四重界畔以專傳之爲圓頓戒相承其相如左錄問一家相承圓頓戒體爲表無表二色又爲別談其體耶答戒家所傳以中道實相爲今戒體也故天台大師止釋中道妙觀戒之正體云云問律儀戒者以表無表爲其體事經論說相圓頓戒體何云實相何況大師釋中云不起而已起卽性無作假色若爾者全背道理又招自語相違失者乎



答究竟了義說者一切諸法皆以實相爲其體也然則戒定慧三字雖其門異而尋其體則同是虛空不動法以實相爲體也以彼表無表爲體者是權宗權門中由不窮其戒源悉檀赴緣覆藏示之是故名不了義又如義記文此文既云性之無作可知亦不違實相爲體之義也

重難云圓頓戒體者中道實相之義誠是見于天台解釋然依何經律以中道實相爲體耶未見如來誠諦文也

答是出正依經并傍依經故山家大師云正依法華一乘戒傍依梵網十重四十八輕戒等文故寶塔品云此經難持若暫持者我則歡喜諸佛亦然如是之人諸佛所歎是則勇猛是則精進是名持戒行頭陀者文既釋今經體云正指實相以爲正體則以持此理故是爲圓頓戒體又梵網經云本虛遮那佛心地中初發心中常

所誦一戒光明金剛寶戒是一切佛本源一切菩薩本源佛性種子一切衆生皆有佛性一切意識色心是情是心皆入佛性戒中又云一切有心者皆應攝佛戒衆生受佛戒卽入諸佛位位同大覺已真是諸佛子文此明說金剛寶戒名佛性戒則以佛性中道理爲戒體者也

總口訣云今戒者以佛性中道爲體者和漢一同全無異義法華梵網二經分明故也然異朝人師於圓頓戒分別當體所依二體釋若依當體以無作假色爲體若據所依體以實相爲體此文不可相違弘決第四此旨炳然

問於圓頓戒分別前所云體相法行四重者如何

答妙樂大師云三觀在意地是則戒體三觀出身口是其戒相三業相應是則戒法三業起用是其戒行文是也



問此四重別更詳示之如何

答總口訣云此事第一最要秘決也所詮其戒體實義者三觀在意地是也其三觀意地即實相理實相理者即空假中不思議之正體也是故判三觀在意地是則戒體又三觀出身口是其戒相者是三觀心地即顯身業又顯口業也此則所言如所行故一心三觀人者身業行住坐臥舉足下足皆一心三觀之德相也又口業說默言語皆亦然也然則不飲不破不穿者其釋如常不待辨而可知隨道無着是入空戒智所讚自在是入假戒隨定具足是入中戒此三戒者則是三觀出于身口顯為空戒顯為假戒顯為中戒是乃分別令其德相易解也若隨意為言三諦德相身口口皆悉無不三諦圓融行住坐臥語默作皆悉無不一心三觀是為圓頓戒相又三業相應是則戒法者是住一心三觀心地則

不穿下恐  
脫三不離  
二字一歎

身口意業終日相應無纖毫謬如意地行身口如身口行意地是名戒法法者法式又三業起用是其戒行者是住一心三觀心地則三業即顯三密三密即顯相海是則所謂一念凡心已有理性三密相海一塵報色同在本理毘盧遮那者也修行一心三觀理性三密即修顯得體起身口意三輪秘密之用無方無碍所以身密現十界身口密出十界音意密十界心地圓融無碍此是戒行上起用也四重差別大綱可知

總口訣云圓頓戒上成佛者一心三觀戒體出三觀身口三觀身口全與三密相應無謬其三密上起秘密用出世成道利益衆生是也

問上所明圓戒體為亘三諦為限中道耶若言亘三諦中道雖是可體空假是用是故唯限中道以可為體若言不亘者妙樂大師



釋三觀在意地是則戒體文三觀既然則可言三諦亦俱戒體斯義如何

答三諦俱是戒體者也凡一家意俱體俱用三俱體故舉中道三舉爲體若舉空假三舉爲用然如判言中道妙觀戒之正體者此有二意一者附文邊者附次第門且中道爲正體若約元意全如妙樂釋二者中家三諦合惟呼中道也七記云合彼性三爲一法身等亦此意也云云

總口訣云三諦俱爲經體耶圓融三諦爲有勝劣耶圓頓戒體爲亘三諦耶此三者全一致法門也然法華辨體惠心云九箇三諦宛然故空假家三諦三諦俱用中道家三諦三諦俱體文以此口訣皆全爲一致相承也

問圓頓戒者是虛空不動戒故以實相理可爲正體三觀是智妙

樂何故以智爲體

答三諦三觀俱是爲今戒體者不思議境一念三千境卽是觀是故三諦三千理卽一心三觀智體也境智互照境智不二境智本來唯一心故或以佛性理爲體如前所引法華及梵網經是也或以三觀智爲體如前所引祖釋及妙樂文是也理智二法元一故也

問戒體在意地戒相出身口者也然大乘意如梵網十重等全於意地立戒若爾者三業俱居性德理內名戒體俱修起邊可名戒相何體限在意地相限在身口耶

答實如所問中道實相理內所居身口意戒悉名戒體心性緣起顯修德時身口意戒悉名戒相此則性德戒也妙樂解釋且約未相應日意地尙隱名爲戒體身口既顯名爲戒相若約實義則是



三業俱居體內俱顯戒相也

問今戒卽虛空不動戒也其戒亦卽虛空無染心地也其心地亦卽菴摩羅識也若爾者明其戒體亦可云三觀在第九識是卽戒體何故妙樂大師釋三觀在意地是卽戒體耶

答口訣云若深祕意全如所難以諸法體是中道實相中道實相是第九識故若第八識以還是全其相也所以山王院大師云我曹未知初廢圓心卽是菴摩羅文以圓人一心三觀是第九識自性清淨心地立行故然言三觀在意地是卽戒體者附教門且名意地若約實義則可言指第九識今呼意地故妙樂又云三識同在理心教門權說且立遠近文

總口訣云識分法門是出離一大事也所詮一家實義者明三諦同在一念理心是也諸論教道未談此實則起信論及釋摩訶衍

論等立上々去々下々來々門而九識淺近次第立獨力業相獨力隨相論動相相續執取假名起業果報等三細六塵下々來々等皆是教門假設以立遠近也何況瑜伽唯識莊嚴佛地等論家所立識分廢立四分三性等說相悉皆教門權設以立遠近也圓頓學者全不可泥諸論教道然則一家意者談三識同在理心一念之中三識宛然也一家立三識者是爲類通三法雖且立七八九三識而約實義則論家九識同在一念理心是以我等見聞覺知是六識起念也此一念體背平等性智念々流忘我故於第六識立第七識名又此第六識念背大圓鏡智違眞如無念性誤落一念故名九初一念故於第六識立第八識名又尋此第六識一念心源空寂宛如大虛本來清淨故於第六識立第九識名所以衆生一念者元是自性清淨而虛空無垢也是故名本理無染第



九識等又此理心上且立九種諸識名也是以判三識同在理心此第九理心爲一家圓頓戒體也所以者何戒者是防非止惡義也然本理無染心地清淨無翳本來無過是非未起善惡未分迷悟未立是上品戒無有過此故名性德本有金剛寶戒名虛空不動戒又判中道妙觀戒之正體上品清淨究竟持戒應知一代諸說大小無盡戒皆是戒相真實戒體虛空無垢淨菩提心本理無染心地也行者住此心地奴力勿起邪念問妙樂大師云三觀出身口是其戒相三業相應是卽戒法文然三業相應是可戒相何戒相外別立此義名戒法耶答口訣云分別體相用三法則三業相應是可戒相之攝然言體相用次第則其戒體是姓德本有心地其戒相者此心地起修顯身口上也是以其後三業相應則是或可攝戒行今就未起用位

戒相下戒行上於其中間更立一重以爲戒法也問今戒三業相應與秘教三密相應有何不同耶又三業相應成今戒法其道理何答口訣云其三業相應者始自觀行卽終于妙覺故止觀第一釋觀行卽菩提云必須心觀明了理慧相應所行如所言所言如所行文言理慧相應者境智同體一心三觀心地之上言行相應舌相語言皆是三諦卽是語言身相舉動亦是同然念々自爾照於三諦實相故終日與三業相應也次言顯密同異者眞言教意手結印契口誦眞言意觀月輪等者是其淺略若其深祕者大日經云舌相言語皆是眞言身相舉動皆是密印又是義自與圓頓戒三業相應之義合所以今經說治生產業皆與實相不相違背大經宣龜言輒語皆歸第一義又今經曰是入有所思惟籌量言說



皆是佛法無不真實亦是先佛經中所說文是皆身口意三密一契當實相各各相應三諦三業不二名之為相應也此即今戒法也次辨其道理者圓頓戒者其體是實相法則既一念三千而必可三業不二是以三業不二門中明由一念三千而百界三業不二旨故又判五決一心一念遍於法界是以一一言音亦遍於三千故三密俱遍法界而不可思議也一念遍法界是乃意密音聲遍法界是乃口密塵々法々皆是法界海也是名三業相應此即圓頓戒相上德者也

問妙樂大師云三業起用是其戒行文然其起用者正可住上位其戒行者通在住前住前凡夫三業起用其相如何  
答所言戒行實在住前未證凡位然依戒行力而到住上到意則起其用無方大用利益衆生是正菩薩戒行也

總口訣云戒行可在住前故五行中立戒聖行此戒聖行是地前立行也又止觀妙解位立持戒清淨可思之其戒行三業起用者何用耶

答口訣云密迹金剛力士經云如來祕安有三事何謂為三一問曰身密二曰口密三曰意密今何謂身密猶如明鏡隨其色貌以往照之則現其像不失其影明鏡照形又無想念如來如是何謂為如來口密要演如來言辭之教出一音聲悉皆周遍衆生所想出六十品各異音聲何謂六十獅子音龍鳴音乃鷹暢音鶴鳴音至文如是等是起用相也

總口訣云三密起用者馬來則佛見馬王牛來則佛見牛王又鸞來聞佛音則聞鸞音鳥來聞佛音則聞鳥音等此旨出涅槃經是即如來身中本來具十界色像故地獄衆生來則佛見地獄王餓



鬼來則佛見餓鬼王等是名身密此身業起用者全圓頓戒德起  
其用也既今戒者一念三千以爲體故十界互具三千圓融心地  
戒品是故至身密德顯發則於一身十界十像一時宛然又鳥來  
聞佛音則聞鳥音犬來聞佛音則聞犬音是亦如來一音中本來  
具足十界音聲故一音中十界音聲同時宛然此亦今戒體德顯  
其用也意密鑑機其用可知是故判云三業起用是其戒行甚深  
旨可秘之

問體相法行今此四重約六卽而分別如何

答戒體者理卽位戒相者名字卽戒法者觀行相似位戒行者初  
住以上位所以妙樂大師如前判之

總口訣云言戒體者理卽位者其體是性德本有金剛寶戒故也  
言戒相者名字卽者三觀出身口正修德相故也然性德者理卽

相體  
疑

也修德者名字以上也是故菩提心義云理卽爲性德名字已去  
五卽爲修德文然則自理卽位性德本有金剛寶戒之體出名字  
卽以上修得戒相也是以云道心若發則具戒相雖云戒體自始  
具故卽當修得戒相中自有戒體戒法者旣指三業相應時所以  
所言如所行所行如所言言行相應理慧相應三業不二從觀行  
卽位始相似卽位者其相應義最殊爲盛故治生三業皆與實相  
不相違背又所有思想籌量言說皆是佛法等云去故其三業相  
應戒相者正當觀行相似戒行者旣在三業起用則是名初住以  
上起於三輪不思議化用妙道無方此是圓頓戒六卽成佛世人  
晴之須審也  
問理卽位爲三觀在意地耶  
答然也



下ノ有恐  
無之字歟

問理即佛位無始理具未嘗聞之則尙未聞三諦名字如何得三觀在意地耶

答口訣云此約性德本有一心三觀故云理即位有三觀所以本理一心三觀本理一念三千源有理即位有佛有佛性相常住是以一判是法住法位世間相常住者理即位也全以修德一心三觀不可難之

總口訣云雖理即位而亦修行三觀我等一念歸於無念不落在有不落在無不落在中靈知妙心時時現前是理即一心三觀行相者也

問理即佛位爲本有三十二相八十種好耶

答口訣云有之也五大院亦云一切衆生自心開示本有眞如佛性五分法身無始已來本在汝心無明覆弊至今未顯諸佛菩薩

常欲開示汝等狂亂不可信受諸佛通告汝等言一切如來金剛寶戒五分法身汝等心中本來常住萬德圓滿明如日月猶如瓔珞三十二相八十種好遍一切處等大虛空諦信此語是名成佛此性德戒名爲性德法身文

總口訣云一切衆生無始心中皆有性德本有金剛寶戒此戒之中本有無作三身是此三身明如日月應身全備三十二相八十種好報身備八萬四千相好遍一切處等大虛空法身周遍法界則以森羅萬像而爲莊嚴持此無作三身體名性德本有金剛寶戒亦名性德果分戒亦名本門壽量佛戒亦名圓頓戒體是以言我等一念心中備無作三身及一切衆生自心之中有應身三十二相八十種好者是全本門壽量本地無作三身尊容者也既雖如是不覺不知自起無明誤計衆生作輪迴業悲哉悲哉



問性德本有金剛寶戒者爲本地無作三身爲其戒體耶  
答口訣云然也五大院亦云其性德戒已顯汝等自性心中故呼  
汝等以爲得佛分譬如一切義成就菩薩證三菩提之時於自胸  
中八分肉團于栗多心通達自性清淨一心實相證得本覺心法  
身常住妙法心蓮臺本來莊嚴三身德遠離因果法然具名爲成  
大菩提云云

總口訣云此御釋判性德本有金剛寶戒以彼本來無作三身爲  
性德戒體也此中本來莊嚴三身德者金剛界大日無始本有三  
身也惠心云本覺心法身者第五觀是大師已證法門

問既說金剛寶戒是一切佛本源一切菩薩本源佛性種子是佛  
性種子則因分戒而是全爲從因至果戒亦不淺略戒乎恐非性  
海果分圓頓戒然山家大師既判正依法華傍依梵網等以爲一

家相承圓頓戒依經豈得斥淺略戒耶若言梵網戒外有性海果  
分圓頓戒者今經何處明之耶又其相如何

答圓頓戒相承大事正在此一段所詮梵網心地戒品者因分可  
說圓頓戒故是爲淺略戒今經本門壽量圓頓戒者性海果分圓  
頓戒故是爲秘々中深祕戒但示其界畔者菩提心第五五大院先德判  
言金剛頂義訣云此地梵網經兩卷從此經中出淺略行相也其  
中廣相根未有堪是故知此梵網結成華嚴華嚴所說海印三昧  
行相皆是金剛頂宗大日如來三摩地淺略行相也

問華嚴是法界事理圓融具足准上所說應是秘々中深祕法何  
言淺略耶

答彼雖說示法界事理圓融具足而只是六相互相依持名爲圓  
融未說性海一多同體十方主伴雖互具足末說彼此主伴是我



一身故十地論云性海果分不可說不與言說相應故文准今內證法樂秘藏彼因分經則成淺略天台亦云華嚴經中十方重々主伴具足唯言知識不云分身未發迹故今法華經開近顯遠會彼知識皆名分身釋迦牟尼亦名毘盧遮那是卽本地三身本迹亦一性海四德修得四德能所並爲所依之上能所不二方名毘盧之身云云

總口訣云此御釋誠甚深也然秘々中深秘圓頓戒者秘教三摩耶戒也此三摩耶戒者本門壽量性海果分心地戒也若其圓頓三聚攝律義戒迹門安樂行品四戒是也若其廣說四戒者十重四十八輕戒也然圓頓戒究竟實義出於本門壽量之說可祕可重難云本門壽量性海果圓頓戒者何戒乎又梵網心地戒若淺

略者山家大師何故判傍依梵網等耶

答口訣云秘々中深秘圓頓戒者既如前言也所以華嚴雖說十方臺葉互爲主伴而未曾說是我分身此未說示性海果分一多同體事々圓融之故然今本門壽量意者示三世十方雲海諸尊皆是本地無作三身是故涅槃經壽命品中云天地壽命皆是流入如來壽命海中故如來壽命長遠又本門秘々中深秘相者說如來如實知見三界之相無有生死等者是也是故三界本無全是本覺之舊都也衆生本無全是理性無作三身也所以本來無惡無非以此爲防非止惡是名本有性海戒體是非對治道邊防非止惡其對治修起圓頓三聚如常可知今不具之本覺三身者無邊性海本來圓滿以是之故名爲解脫普門塵數諸三昧法然具故無非無惡是卽本有戒體也凡戒者定亂威儀定亂音聲定亂



心品令迷妄者歸其本姓名之爲得正法戒也是故本門壽量內證住本顯本心地自居當位法體法々皆還本性無非無惡以是爲眞實戒也戒家祕訣可深貴  
重難云華嚴六相圓融事々圓融是豈非一多同體耶何以今爲爲深祕爲淺略耶

答口訣云是五大院所問答也凡華嚴雖於六相依持立圓融名全非性海果分一多同體所以雖云事々圓融諸法互依持彼持此々持彼是名事々圓融然而未明一多同體奧旨是故彼彼事々其體各別若夫實明一多同體事々圓融者何不明十方重々主伴卽我一身耶何復斥敗種二乘非佛而說大藥樹王二處不生耶又何不示三世圓融明久遠成道等有三身耶以此思之華嚴事々圓融有名無實然本門壽量性海果分談者三世十方無

數諸尊全是本佛毘盧遮那分身遍滿法界一切衆生全是本佛無作三身尊形十方恒沙草木國土全是本佛分身敗種二乘亦是本佛分身三世圓融衆生一念卽是如來壽量長遠之宮殿也如斯內證眞實諸法寧非性海果分一多同體事々圓融哉華嚴尙是未顯眞實之故稱云性海果分不可說也然則性海果分圓頓實戒本來無可造罪自性清涼本有清淨心地名虛空不動戒故妙樂大師云法性太虛本無善惡凡夫情謂善惡相除文山家佛師判本門云果分圓開本懷斯盡文楞嚴光德云峯有戒壇表大果文然若其僧戒全具于梵網說勿以理奪事一家相承可祕之者也

問圓頓戒體指佛性理者正出何經耶

答口訣云是出大經中隨而南嶽天台所相承也如來泥洹夕獅



楞本業  
者  
本業  
者  
楞本業

子吼菩薩問答此事凡一代所說大小無盡戒者是為縛妄念之毛繩為入佛界之威儀為證已心實相之法則也若澄中道實相心地之池則千萬惡不能浮影洄沙性善炳然顯現故不可有過此戒矣然則真實戒體即是佛性茲以三聚戒相亦無相之相涅槃經第二十八云獅子吼菩薩言世尊何因緣故受持禁戒佛言為見佛性故是故菩薩性自能持究竟淨戒文謹見此文法華終窮究竟圓戒與所謂講普通梵網具戒無二無別而以佛性為戒體也故梵網經是名佛性戒佛性者即實相普賢觀經云具足戒瓔珞本業說三聚戒故涅槃經云無相之相名為實相然則欲得如來清涼真實具足圓頓戒利那成佛可住無相之相佛性威儀也問戒家所說六即即身成佛者如何答口訣云於圓頓戒而有二種一者菩薩戒二者佛戒初菩薩戒

者如梵網經彼當分意因分戒故說佛性種子上々去々故有六即即身成佛次佛戒者法華本門壽量果海上自受用自居當位三千全體指之名也山家是稱一乘戒是果分妙戒故亦名本地無作心地戒五大院名性海果分戒惠心判峯有戒壇表佛果上是應知因分戒者淺略果分戒者深祕用此因分果分二種圓頓故戒而可定判一代所說戒法也問六即九根即身成佛者其義如何答口訣云因分圓頓戒有六即即身成佛是則自有九根即身成佛也故五大院云今圓乘中亦有九品俱是持戒作六即佛上根三品皆住蘭若無間精進利益衆生中下二根隨宜所住方所不定利益衆生或住蘭若或住聚落大圓覺云一切衆生本來成佛是理即佛梵網云衆生受佛戒即入諸佛位是即身入名字名字



佛位是下下根仁王經云受持讀誦卽爲佛是卽身入觀行佛位是下中根普賢觀經云行者卽得六根清淨是卽身入相似佛位是下上根無量義經云受持此經卽於是身得無生忍是卽身入習種佛位是中下根卽身若入性種佛位是中中根卽身若入道種佛位是中上根文又云昇於菩薩第七之地是卽上下根卽身入等覺佛位是上中根法華云須臾聞此卽得究竟阿耨菩提是入妙覺佛位是上上根當知圓乘戒法但有持品而無犯報文此九根記身成佛踏六卽位而昇進者是約因分戒故如此上々去々非約果分戒也有云圓頓戒者勝於止觀法是不立解行直以信力入妙覺位故勝用妙解妙行所昇一心三觀也此義最非於圓頓戒亦立九種根分六卽位何況圓頓戒體卽是一心三觀一念三千何可論勝劣耶

問就圓頓三聚淨戒爲有傳受發得性德三種耶  
答口訣云圓頓戒者三聚淨戒也此戒有三種一傳受戒二發得戒三性德戒也一傳受戒者從臺上世尊盧舍那佛次第相承三國傳來三聚具足戒也二發得戒者行者別授之時天崩地裂而所發得無作假色此卽發得金剛寶戒也三性德戒者指無始本有眞如佛性理名性德本有金剛寶戒也一代所說大小無盡戒不出此三種既有三種三聚淨戒此三聚戒皆以大小權實一切戒爲戒相也故五大院先德云此圓乘三聚淨戒有三種一傳受戒二發得戒三性德戒如論正受戒串習戒自性戒一傳受戒者我今欲傳三聚淨戒是昔蓮華臺藏世界廬舍那如來以此心地金剛寶戒授妙海王子及千王子之時惟我本師釋迦牟尼如來誦持此戒次傳逸多菩薩如是二十餘菩薩次第相承乃至印度斯



廣釋新那

作真具

廣釋假名

下有菩薩

二字滅

後下無千

廣釋無

作不

廣釋否

作不

廣釋化

作代佛

佛作千佛

廣釋欲發

下有得字

一又是昔

作是者一

廣釋無

本字

廣釋受自

作自受

那日本傳來我假名比丘某甲受持此戒今者維釋迦滅後千九  
 百年中某元年歲次某月某日某時上分上時欲傳汝等此傳受  
 戒名為言說法身若無相傳法身即滅汝等當善受此金剛寶戒  
 言說法身傳受一切衆生盡未來際不得斷絕能受傳否是故佛  
 言汝新學菩薩頂戴受持戒受持是戒已轉授諸衆生流通三世  
 化化不絕得見千佛佛佛授手是故汝等此事當如是持二發得  
 戒者我今欲發三聚淨戒是昔蓮華臺藏世界盧舍那如來本在  
 因地初發心中從凡夫師受此戒時第三羯磨竟一剎那間自身  
 口意及以法界色心之上發得如是無作戒品一發得後常住不滅  
 遍一切處無有傾動盡未來際不可破壞成大菩提常誦此戒以  
 為內證心地法門受自法樂施他法門彼妙海王及千王子阿逸  
 多等二十餘菩薩乃至印度斯那日本相承惟我假名比丘某甲

色廣釋

萬德廣釋

廣釋當能  
下有得字  
又如作  
如來萬德  
作功德

乃至十方三世受此戒者皆悉自身口意及以法界色心之上發  
 得此戒一如舍那今者欲令汝等亦於第三羯磨竟一剎那間自  
 身口意及以法界色心之上發得如是無作戒品一發得後常住  
 不滅盡未來際無有傾動成自菩提開他菩提如此發得無作戒  
 法是非凡夫耳目見聞形色十方法界六種震動則於汝等自身  
 口意及以法界色心之上當作微妙可愛光明莊嚴之形亦作天  
 崩山裂雷震地吼之聲然後發得無作之戒是非凡夫見聞之法  
 唯有三寶明所證見此發得戒名為萬德法身若不發得法身不  
 生汝等當能得如是金剛寶戒萬德法身盡未來際常受法樂能  
 發得否是故佛言一切意識色心是情是心皆入佛性戒中當  
 常有因故有當々常住法身是故汝等此事當如是持三性德戒  
 者我今欲示三聚淨戒是昔蓮華臺藏世界盧舍那如來初在因



廣化  
作他

廣道  
作度

廣法  
作戒

廣請作  
續又音作  
意

菩薩下廣  
釋有我今  
相代諸佛  
菩薩八字

廣此身  
作法身

地蒙凡夫師開示之力只於自心開悟本有真如佛性五分法身  
戒法身體非得化法若得化法燃燈佛所得授記時即成佛道非  
得化法自修成佛故經中云衆生自得道佛不度衆生彼妙海王  
及千王子阿逸多等二十餘菩薩乃至印度斯那日本相承惟我  
假名比丘某甲乃至法界承此戒者皆於自心開悟本有五分法  
身一如舍那今欲亦於汝等一切衆生自心開示本有真如佛性  
五分法身無始以來本在汝心無明覆蔽至今未顯譬如狂人有  
如意珠以狂亂故都不覺知諸佛菩薩常欲開示汝等狂亂不可  
信受今發大心請祈此戒諸佛大喜皆來摩頂同音開示汝心戒  
身汝等煩惱眼盲不見諸佛菩薩諦語汝等諸佛適今告汝等云  
一切如來金剛寶戒五分法身汝等心中本來常住萬德圓滿明  
如日月粧如瓔珞三十二相八十種好遍一切處等大虛空諦信

此語是名成佛此性德戒名為性德法身若不開悟此身未顯汝  
等當能開悟如是金剛寶戒性德法身盡未來際永號諸佛能發  
開悟否是故佛言金剛寶戒佛性種子諸佛已成佛我是當成佛  
常作大乘信戒品自具足是故汝等此事當如是持文  
總口訣云此文委悉所詮雖圓頓戒廣不出三重但雖三重不同  
而一心中得所以傳受下有發得發得下有性德是故法在一心  
說必次第應知無性德者不可發得無發得者不可傳受是以五  
大院性德發得上立傳受戒也  
問三重圓戒為同時為異時耶  
答口訣云同時也五大院御釋其證如上  
問三重既各別全不可同時所以傳受戒師資相承三國傳來是  
可淺近戒又發得戒或不用傳受亦可發得又性德戒當不用傳



受不用發得有佛無佛性相常然戒其既不同何可同時耶  
答戒法以相承爲本故以傳受戒爲其地體其上立發得性德二  
戒法不獨立必假外緣故依傳受之緣而發得之然若無性德戒  
縱令受之不可發得爲發無作戒性德上立發得實相佛性是戒  
體者所發無作色卽全是佛性者云也

問此三種戒依何經論立之耶

答口訣云其名在于山家大師入唐傳戒稟承而語殘五大院御  
釋然論家元立三種戒一正受戒二串習戒三自性戒文此則三  
種戒之例證也正受戒者卽傳受戒也串習戒者卽發得也自性  
戒者卽性德戒也故五大院云三聚淨戒有三種一傳受戒二發  
得戒三性德戒如論正受戒串習戒自性戒文所言傳受者是入  
唐相承別授菩薩戒是也他家不知之法特爲一家冲微可祕可

貴云云

問梵網經中爲明三種圓頓戒耶

答口訣云明之也文云受持是戒已轉授諸衆生者傳受圓頓三  
聚戒也次衆生受佛戒卽入諸佛位々同大覺已者發得圓頓三  
聚戒也次說佛性種子者性德圓頓三聚戒也故五大院云一傳  
受戒者佛言汝新學菩薩頂戴受持戒受持是戒已轉授諸衆生  
流通三世化々不絕得見千佛佛佛授手二發得戒者佛言一切  
意識色心是情是心皆入佛性海中當々常在因故有當々常住  
法身三性德戒者佛言金剛寶戒佛性種子文其相如是  
問三種戒俱爲名法身耶

答口訣云是名言說萬德性德三種戒法身也又見于五大院御  
釋如前所引



問性德本有金剛寶戒中爲有三聚淨戒耶

答口訣云有之也五大院亦云三聚淨戒有三種云云此性德本有三聚戒中悉皆具大小權實戒是名性德本源戒也

問性德本有金剛寶戒者是今戒戒體只是中道實相無念無相理則全非事相三聚淨戒是以梵網經說佛性戒止觀判中道妙觀戒之正體山家名虛空不動戒五大院釋名性德法身此等文相是非以真實冥寂理名性德本有金剛寶戒耶斯理內何有三聚別也

答口訣云性德本有金剛寶戒者性德法身如來也是此內證有體內三身又名理性三身又号法中論三身所以此三聚淨戒者法身內證三身也何法不具何戒不攝權門三聚淨戒全不談此實義故慈覺大師觀心四種釋云攝律儀戒中道也法身也攝善法戒

空也報身也饒益有情戒假也應身也文云云

總口訣云五大院云攝律儀戒十重四十八輕心地戒藏攝善法戒八萬四千因果佛性常住藏饒益有情戒六度四攝無量行願藏應知攝律儀戒是宰色相色則法身則律儀戒是雖似淺而還自性法身妙色中智體性也次攝善法戒八萬四千因果佛性常住藏則是法門主法門主者自受用報身內證空智體性也次饒益有情戒六度四攝無量行願藏則是慈悲行願故應身如來假諦體性也然則圓頓三聚戒者是內證三身法樂莊嚴之體而尋其源則常寂光土無作三身自受法樂萬德相也於爾前迹門則是爲佛種因分戒相又於本門壽量則是爲性海果分戒體也貴哉可祕

問法性本有金剛寶戒中爲有應身如來三十二相八十種好耶



答有也故淨名立云稟教修習之行人即是理即不思議文然經論章疏屬性德惠分明不說有之雖然至於凡身為止上慢且抑沒耳心地觀經等中略示有之此一條殊為修行有勇有憑某坊先德破此義可憐哉云云

問廣釋上云梵網經云衆生受佛戒即入諸佛位是即身入名字名字佛位是下々根文此文未審既云位同大寬已依圓戒力可即身入妙覺位何限名字位耶

答上々根依圓戒力實入妙覺亦見于釋文前如所引也然其下々根入名字位亦是位同大覺已也故五藏妙樂大師云名字佛能觀色心即是法性故名憑寄佛法界也未入品位不能益他亦爵未高乃為九界之所敬貴文是即圓人名字即位直超九界入佛界故為九界所敬貴正是位同大覺已相言大覺者觀色心即是

法性也法性色心豈非大覺耶應知圓頓行人解了自己色心即是法性此法性外更無別法是名位同大覺已故判名字即佛法界也其旨可知



書脉譜口訣首

快園法師云此二冊者圓頓本又骨目  
三千三觀精要也此言實然以言實然  
若無此書則高祖所立大乘律宗永  
沈于世當宗秘要多蘊此中讀者自知  
予復何贅聞公又云不思議因緣傳寫  
之然予得此卷亦復實爾圓戒之復古  
冀在于近也傾歡之餘謹題數字云  
天明九年孟夏下旬

菩薩比丘敬光拜書



有世流布刻本題曰圓頓  
戒脉譜口決一卷六十條  
與今本頗同稍異其本不  
及今本是而且正彼故者  
可謂杜撰刻本也不足可  
校焉  
寬政五年仲冬  
敬光謹記

圓頓戒脉譜口訣卷下

釋 良助記

問以梵網戒既判爲因分戒亦五大院判名字卽佛性戒然此心  
地戒品者臺上盧舍那佛心地內證則全可果分戒是以非說衆  
生受佛戒卽入諸佛位々同大覺已耶今是言因分戒彼經有其  
證乎否

答口訣云梵網者與華嚴同部則華嚴既說因分而不說果分故  
十地論云因分可說普賢文殊境界果分不可說十佛盧舍那境  
界文准此文則華嚴梵網惟說因分不明果分也加之金剛頂義  
訣云彼梵網戒出金剛頂淺略門別有菩薩大藏經戒名爲一切  
如三摩耶戒具有四波羅夷十重禁戒四大性罪十方便等云云  
問圓頓三學有勝劣耶



答山家大師云虛空不動定虛空不動戒虛空不動慧又云三  
學俱傳名曰妙法又妙樂大師云三觀在意地是卽戒體又  
惠心云一念三千戒體應知止觀既是虛空不動體則圓頓戒  
亦虛空不動體豈於一大虛空辨優劣耶又止觀心地既是一心  
三觀一念三千則圓頓戒體亦然豈於一三觀三千寧論勝劣耶  
若依止觀行相則附文之日暫立解行次第元意實義解行同時  
故天台大師云妙解妙行非前非後殺活同時然失稟承輩不  
傳止觀大旨僅執附文章段而迷元意心地實思解行有前後是  
最可悲又說斷惑證理成佛道者此亦附文之意止觀實義外不  
求佛專已心本覺而見性成佛也是以妙樂大師判當知身土一  
念三千故成道時稱此本理一身一念遍於法界又云還歸本理  
一念三千所謂本理一念三千者是指已心本覺也斷惑成佛者

只是止已心外求佛之思耳誤想我是衆生佛陀在外是卽遍計  
所執故旣判但信法性不信其諸文全信已心法性本覺外無  
別義也是以信已心本理名爲成道應知高求心外佛是止觀所  
破也故弘決云佛界實是不思議居九界末通名爲鹿文九界末  
佛界者是權宗權門之佛也止觀佛者不思議境一念三千故近  
指已心實相名佛界也又斷惑成佛者是且教門煩惱卽菩提則  
修惡卽性惡只是惡法門而其菩提是已心當體也若然斷何惑  
又證何理是以山王院大師云諸教之中斷惑成佛只是遣於遍  
計所執此經卽指一心三觀唯一妙法則以是佛開示悟入三祇  
一步百劫瞬間如此思之高源本無何以更掘佛性本有誰與之  
菩提無與者而取之爲盜圓人無取不取之相應知止觀所示  
佛已心實相故妙解妙行惟是同時是故說無相之相名爲實相



故無相是解其相是行又無相是不變真如其相是隨緣真如是故山王院云不變隨緣一念宛然文止觀本旨卽身成佛如是然或名戒家或名止觀僧互論勝劣各以其法執之爲勝二俱全非既其三學俱虛空不動又是同大師已証法門何於此上論成佛遲速耶聞帝釋名而喜聞千眼名而怒可哀可哀重難云圓頓戒者云諦信此語名成佛以信入之何處煩立妙解妙行乎故論顯戒山家大師云最澄義真等延曆末年奉使大唐尋道天台謹蒙國德台州得到卽當州刺史陸淳感求法誠遂付天台道邃和尚和尚慈悲一心三觀傳於一言菩薩圓戒授於至信天台一家法門已具文菩薩圓戒者菩薩所持圓頓戒也此戒至信一念發得戒體非已智分信心受戒是此正機也又止觀者何處云以信得入故知此戒離智解情量直得成佛故最勝妙矣如

何

答口訣云律本以作無作二戒爲體能持之外別無有仔細止觀本以定慧二法爲體是心地行則特以寂照爲其能也故圓戒則立止作二持止觀則立解行二門約實論之圓頓戒體亦一心三觀一念三千故於戒家上亦可論解行也誰言今戒體唯限表無表耶又止觀何處云以信入者管見之所致也記既判止觀一部法華三昧荃蹄文然斯三昧者全以信得入非已智分是故法華經云汝舍利弗尙於此經以信得入况餘聲聞信佛語故隨順此經非已智分文是豈非法華三昧以信入者何况止觀判但信法性不信其諸又五立或宜觀不思議境一念三千十信中首信心又云一念信解者卽是本門立行之首文不思議境心地必以信入山王院大師云佛法不思議道理只可仰信豈情求乎文此等皆



其明文也。又戒家云：諦信此語，名爲成佛者。彼成佛者，只是名字。卽妙解佛也。蓋之不可云妙覺佛。故五大院云：諦信此語，是名成佛。此性德戒名爲性德法身。梵網經云：衆生受佛戒卽入諸佛位。是卽身入名字。名字佛位，是下下根。文此一條者，戒家與止觀行者俱同。多迷法門也。當家學者，可深祕之云云。

問前云：受戒之日，經六卽位。然六卽是名字卽位。聞名字卽妙解。觀行卽位，擬觀法立妙行。既是妙解妙行，位次之相圓頓，戒上無論。此解行爭可經六卽耶。然判經六卽其義如何。答口訣云：受戒之日，自經六卽非入戒。檀竟入則，區知斯旨也。然廣釋亦云：其性德戒已顯。汝等自性身中，故呼汝等爲得佛法分。通達真如自性清淨一心實相，證得本覺心法身。梵網云：衆生受佛戒卽入諸佛位。乃同大覺已，真是諸佛子。乃自今以後，永號汝

等以爲諸佛。何以故。汝等無始以來，尙是理性卽身成佛。初聞自身五分法身號爲名字卽身成佛。今受自身五分法身戒身名爲觀行卽身成佛。若入十信得六根淨，當爲相以卽身成佛。若登初住入四十一地，當爲分證卽身成佛。若昇妙覺安住佛地，當爲究竟卽身成佛。又名六卽菩薩。今汝等觀行菩薩已知一切衆生皆有佛性。戒法能知如來祕密之藏。此文旣明受戒成佛之日，經六卽次位。此則圓戒雖稱爲戒而非色法。自性清淨一心實相以爲其體。故示經六卽而入究竟果位也。是故雖不論解行相其妙戒體旣靈智性則解行宛然。五大院云：今傳受戒者卽從諸佛心上法界色心之上皆悉來集降臨。汝等身口心上虛空之中微妙可愛如光明臺。譬如釋迦菩薩六年苦行坐菩提場不能成道之時。十方諸佛皆來教授。使於鼻端令觀月論菩薩受教近於鼻端觀



廣釋集  
下有顯

廣釋集  
作悉

住位  
位  
廣釋集  
作悉

廣釋集  
作法

佛月輪光明遍照在其面前其發得戒者汝等自身法界上聚集  
現譬如大威光童子菩薩坐蓮華臺受一切灌頂之時菩薩頂上  
發大光明一切境上赫奕照耀其性德戒者汝等自心從內顯發  
譬如薩婆羅他黑地菩薩坐自心殿成正覺之特初見自心形如  
月輪在自胸中今傳受戒已入汝等受學身中故名汝等以為從  
佛口生譬如釋迦菩薩欲成正覺之時一切諸佛皆來會入釋迦  
菩薩自身之中以諸佛五分戒身為釋迦五分法身以釋迦自身  
墜諸佛數中名為成等正覺其發得戒者已發汝等法界身中故  
號汝等以為從法化生譬如大威光童子菩薩受佛職住之時依  
感不可說不可說大劫修行功德之報發得色虛空遍法界一切  
五分戒身之果名為成無上正覺其性德戒已顯汝等自性身中  
故呼汝等以為得佛法分譬如一切義成就菩薩證三菩提之時

於自胸中八分肉團肝栗多心通達真如自性清淨一心實相證  
得本覺心法身常住妙法心蓮臺本來莊嚴三身德遠離因果法  
然具名為成大菩提文

總口訣云傳受等三種圓頓戒者同是蓮華臺藏世界廬舍那佛  
心地金剛寶戒也然傳受戒以釋迦菩薩釋之發得戒以大威光  
童子菩薩釋之性德戒以一切義成就菩薩釋之也具如上文然  
此等尚是戒門上之分別相也約實義者則其性德戒修德顯發  
名發得戒傳受發得戒名傳受戒也故惠心先德云本有金剛寶  
戒是性德戒此性德本有一念三千修顯得體名發得戒此修顯  
得體一念三千以言說即顯名傳受戒也文此是最秘口訣慎勿  
談之

問判今戒者有受法無捨法一得永不失戒然設令圓頓妙戒既



是律儀三聚戒若遇破戒緣則可失戒何言不失  
答此事先德問答也五大院云雖起三毒十惡五逆成佛道不破  
戒品故無行經云貪欲卽是道恚癡亦復然如是三法中具無量  
佛法若人求佛道莫壞貪恚癡若斷貪恚癡欲求諸佛道是去佛  
道譬如天與地大圓覺云諸定惠及姪怒癡俱是梵行楞伽云以  
觀諸法爲眞如相持戒犯戒皆不可得大般若云云應知不護圓  
滿淨戒波羅密多昔世間現爲孝師教殺害千人千人千指編爲  
頭髮是故名爲鴛鳩摩羅此云指髮此孝爲戒非犯殺戒昔瑠璃  
王殺無量人以此城人剛惡難化但臨斷命發菩提心此殺名爲  
入法界門非犯殺戒昔和修密多發願利人吸我口者得大辨才  
合此胸者得大智惠執我手者得大福壽嫁我身者得大菩提此  
姪爲戒行阿闍世王殺害父母通達佛道提婆達多現造五逆雖

處地獄如三禪樂婆蘇仙人以殺牛故卽身地裂墮大地獄率地  
獄人來詣佛所皆令入佛道此彰善惡本無定業散暗鬼者毘婆  
尸佛時發大誓願常作鬼王教化鬼道堅誓獅子菩薩變化常爲  
畜生教畜生道當知五逆々惡皆成戒行淨名居士無量道品以  
爲妻妾月上無垢女通達佛道行在家佛末利婦人處王宮解了  
法華自說戒法爲救人命犯飲酒戒佛爲此人許飲萬解當知一  
切俗塵皆爲戒行是以圓乘戒有受法終無破法故名虛空不動  
金剛寶戒法華云告舍利弗二億佛所常教化汝汝今廢忘告富  
樓那十六王子時久教化汝汝今住小故說法華令憶本願此是  
發心已後不意廢忘不名犯戒文  
口訣云旣判三毒十惡皆爲戒行又釋五逆三惡皆成戒行約性  
海果分知見則十果三千皆金剛寶戒之體故也惡者卽性惡法

二億佛  
二萬億



門善者卽性善法門皆是自居當位不毀已性若破其性是非法性軌則不破其性故云金剛寶戒也衆生迷倒於此善惡法門誤起遍計所執故倒執利劍自害其身得道人者善爲性善惡爲性惡自在法門能利衆生是故在此人則善惡俱如來藏寶也又是善惡同金剛寶戒體也旣以生死煩惱俱爲其戒體故猶如刀自不切刀故無可捨戒一得永不失者蓋不壞義也又信此戒而受此戒能持此戒故有受法而從凡至聖位々受之也然若其體旣且十界遍三千故雖欲捨之永不失故無破法是故云有受法無捨法等也此五大院相承最秘密甚深無智人中莫說此戒謬入邪見則墜惡道可慎可慎

重難云善惡俱爲戒體則此義驚耳也何經論何律藏以惡爲戒體耶又雖曰一得永不失舍利弗旣中間癡忘富樓那亦旣癡忘

是豈非圓戒破法耶

荅口訣云此是秘中秘勿妄示之凡金剛寶戒者經中旣名佛性戒然佛性者涅槃經中旣說善惡同俱佛性旨是故彼經第三十六云如來佛性又有二種一者有二者無有者所謂三十二相八十種好首楞嚴等無量三昧無者所謂如來過去諸善不善無記業因果報煩惱文旣說善惡無記三性俱佛性相佛性戒通善惡旨可知焉也然經論中分明不說有性惡如來匿性惡名也大觀乘止南嶽大師云若說有惡衆生聞之不可欣佛果化儀有濫故匿性惡之名文又如舍利弗富樓那等可失戒者此義不然故五大院云此是發心已後不意廢忘不名犯戒文此則雖廢忘之不捨其體也所以說下周聲聞雖云退大智願猶在不失昔信樂慚愧衣裏所懸一乘無價之珠猶在不失此無價珠是今戒體也故彼還



成一得不失誠證也

總口訣云廢忘與捨失是全不同不可混亂又一乘無價寶珠是真如智寶也此智寶者佛性戒也亦即金剛寶戒者也所詮今戒體善惡俱成此體者是戒相承秘曲也五大院云修行真如法性之戒法善惡皆成律儀文云云

重難云道理可然一得不失末見文證是出何經

答口訣云出瓔珞經故五大院云瓔珞云佛子受十無盡戒已過度四魔超三界苦從生至生不失此戒常隨行人乃至成佛故知菩薩戒有受法而無捨法有犯不失盡未來際其受戒者生諸佛家菩薩數中超過三劫生死之苦此文既明自持楊葉之戒早持此戒可成佛道而已

問於圓頓戒有二種中似菩薩戒有犯戒唯佛戒無捨設是佛戒

後疑  
復歎

若遇惡緣寧無犯戒故梵網中既說若有犯十戒者等此義如何答五大院云然上四菩薩戒或名佛戒當分各證佛果故或各名菩薩三聚戒當分各具三聚故或各名直往戒當分各對迴小入大者故或各名即身成佛戒當分最後身現生成佛故或各名不可捨戒當分五分法身一發永不滅故或各名常住已身戒當分常作諸趣王故今約跨節明淺深者前三戒果唯名菩薩菩薩戒圓乘戒果的名如來菩薩戒至前三戒身有犯不犯不犯境有差別故雖後犯而戒法不失圓乘戒身一切諸法皆是佛法佛法中都無犯戒無犯戒故戒法常住前三戒報犯作三惡三善道王持作三教法王若退大心雖入上位作二乘外道文

口訣云此御釋意前三教菩薩戒有犯戒有捨戒圓乘金剛寶戒是如來藏虛空不動故都無犯戒既善惡皆為戒體則戒豈犯戒



耶憑哉不犯不捨戒是圓乘真實卽身成佛之直道也行者所須必受持也

問縱無捨法若其犯之有犯報否

答無也故五大院云當知圓乘戒法但有持品而無犯報文

口訣云前三教戒持則得善報犯則得惡果此圓頓戒持則得最

上果自本無犯既無犯相則無得惡報實是不思議甚深戒也愚

者恐生驚疑

問爲菩薩戒與如來戒各別耶

答是各別也五大院先德分別內外一切戒云一外道邪戒無因

無果譬如狂人虛空構屋無用二三善世戒因生感果報盡墜惡

譬如揚棄秋至似金去落地三二乘小戒持拙破時永捨譬如

瓦器若完用早若破永失四菩薩大戒持成法王犯成世王而戒

卑早  
歎恐

不失譬如金銀爲器用貴破器不用而寶不失又如來寶戒一受

永固不犯失而有不用譬如金剛一成利寶更不破壞有人入闍

觸寶害身自謂蛇嚇身腫心悶明警示寶自知非她還得利寶萬

用自在真如佛性以爲戒體一切諸法皆是戒體何有非戒之法

而有犯之故大般若云不應分別此是戒法此是能持此是所持

此是持境一切諸法皆是真如故深觀諸法皆爲律儀文此則菩

薩戒若有犯之如金銀器破如來戒全無犯相如金剛利釵一成

後不破壞故金剛寶戒菩薩戒者前三教戒則是因分戒如來戒

是圓教戒則是果分戒善法惡法皆戒體故有何非戒有何犯戒

圓實相承如是云云

總口訣云菩薩戒佛戒界畔當家祕曲是成佛因故說佛性種子

此則法華十如是中因如是也二戒分齊如上可知



問爲圓頓戒用觀行耶

答五大院云謂觀真如真如佛性以爲戒體故能深現行此理名爲已善持戒未深觀行此理名爲未善持戒又戒家末徒誤謂圓頓戒不用觀者是偏執之失今戒者是真如佛性之戒故以觀之爲能持之也

問爲圓頓戒道場有外道場內道場耶

答口訣云外道場者是盧舍那佛華藏世界爲道場爲諸菩薩說十重四十八輕戒也又靈山虛空會上爲道場爲一乘機說虛空不動戒也此二處名外道場次內道場者行者自身爲內道場也此則自身者是寂光道場金剛不壞宮殿住此中受持金剛寶戒也以此爲深祕道場故五大院云資承傳云若受菩薩戒地變成金剛道場大劫三災現時不能破壞此地有云餘地皆壞此處如

柱有云妄情見壞此地不壞此地得戒菩薩後身當生道場餘地不能住持此菩薩身金剛力唯有此地住持其金剛人令成正覺法華云若說法處卽是道場諸佛於此成等正覺又普賢觀云菩薩戒者自然成就其佛住處名常寂光又當知受菩薩戒地名常寂光二內道場者卽我自身故涅槃云何得長壽金剛不壞身佛於自身修菩薩戒故行者自身卽是道場一切如來五分法身皆來住中文當知受菩薩戒之身卽是金剛道場一切諸佛集此中盡未來際不可捨體如虛空永無敵對十方世界四魔境界盡力欲壞莫傾毛孔如華嚴云我此道場如帝珠十方諸佛影現中文卽是受菩薩戒之內道場

總口訣云圓頓戒以自身爲道場又以自心爲道場是則秘中深秘道場也造不可尋華藏世界道場遠不可求靈山虛空會上道



場自心是常寂光道場三世諸佛居之受戒居之成覺是此道場如虛空大劫三災不破不壞是爲眞如道場持斯寶戒者也然則行住坐臥自身心爲道場受持虛空不動戒是名虛空爲座常寂光如來也

問爲今戒者佛性爲體佛果爲相耶

答口訣云然也是與妙樂釋語異意同五大院御釋云圓頓菩薩三聚淨戒佛性爲體佛果爲相圓融萬法開會五乘直道修行卽身成佛文

問爲三身圓戒各別耶

答五大院云十方法界有三佛土一應身佛土如釋迦白四羯磨求受菩薩戒二報佛土行者身中有諸佛同體戒身喜鬘歌舞香華燈塗莊嚴法身常以安住汝等身中無間娛樂三法佛土諸佛

法身皆悉流入毘盧遮那大智藏海中汝等今受諸佛戒品自然流入毘盧遮那大智藏海從今以後不可入生死中一體法身故文

總口訣云是三身如來莊嚴今戒也應身如來爲顯自心佛性戒以白四羯磨而嚴飾之報身如來卽以內外八供莊嚴法身戒體法身如來入于毘盧遮那智藏海中直興實相機此則衆生一念心中無始以來有性德寶戒故是以流入此金剛寶戒智藏海中者永不流入生死海中有持無犯意在于茲冀行者從持易破難持權宗鹿戒早持此微妙第一金剛圓滿三聚淨戒也

問圓頓戒悟佛心爲名受戒耶

答然也故山家大師云衆生卽悟佛心名眞受戒文是也

問戒是以表無表爲體身口尅誠納此置心是名受戒何以悟佛



心名受戒耶

答口訣云疑難者是權宗權門意也今圓頓戒以佛心為其體故以悟之為受戒也甚深甚深

問以已心實相為戒壇者如何

答山家云壇者唯佛與佛還居心地成正覺然居已心實相地是為真戒壇設大小無盡受戒生盡躡鹿壇出離要術無一分德文凡刺除鬚髮頂高僧數不居實相心地常與外道鬼魔不異也

問為今戒是唯佛與佛心地為體耶

答然也法華云唯佛與佛乃能究盡諸法實相文是乃迹中果分戒也

問既躡鹿壇非出離要則前三教戒豈不成佛耶

答前三教者是有教無人又是果頭無人故非真實成佛因既不

制  
教

知不解已心實相真佛則心遊理外大論云除諸法實相餘皆魔事文然則自煩從迂迴初觀一心實相持一心戒為圓實人可即身成佛也

問為圓頓戒行人一見本心實相是佛位分非輪迴人耶

答然也一見本心妄想速息有真佛分九根成佛如上引文

問山家大師云持者即持已心破者即破已心文然已心本有何新持之又既判一得不失何破之為

答口訣云已心雖本有而不知之則名為破又知我心空寂本來清淨則為持之又云破已心者是假設之詞也

問戒壇中心安置多寶塔耶

答然也山家云行者欲修得本有性戒金剛寶地上建立多寶妙塔藏二經本迹秘法以安戒壇寶塔是大慈悲為室繫幢相袈裟



袈裟是柔和忍辱衣敷尼師壇尼師壇是諸法空為座兩經所在即常寂光土於此妙土傳受性戒是名虛空不動戒有受法無捨法故云金剛寶戒文云云

問何故壇上建立寶塔乎

答口訣云是表所謂性無作假色之發得相也又塔即是室表應佛衣即是表法佛座即是表報佛三身佛性具干性無表假色故安之已心真壇上也

問壇上塔藏何祕法耶

答山家云藏一二聖經兩卷祕要文口訣云大師隱語也一二者戒經與安樂行也兩卷祕要者指戒經義記也

問前言以大小權實一切戒為戒相者如何

答口訣云二百五十等是攝善法四重四十四輕是攝衆生攝律

儀戒者戒經十重四十八輕也

總口訣云迹門實相者不變真如戒體也本門壽量久遠成道者隨緣真如戒體也是慈覺大師相承之說也可祕之矣

問此戒修得本有性戒耶

答然也故山家云行者欲修得本有性戒金剛寶地上建立多寶妙塔文是也

口訣云本有性戒者性德本有戒也是即本不生心地也修得者謂一見本心實相也多寶塔婆從地涌出者是表性德本有金剛寶戒修顯得體相也

問今戒配四土何土戒乎

答常寂光土佛戒山家御釋如前所引

問戒名防非止惡又名遮惡持善寂光妙土無惡可止何於此妙



土爲傳受之

答口訣云防非止惡等者淺畧義也本覺佛性自性清淨元不染惡以之爲防非止惡等義者是常寂光土戒也是爲深秘云云問爲金剛實戒用妙解耶

答山家云金剛實戒解而受持者二死大夜忽明三聖相傳一在斯耳文此文旣云解而受持故知妙解之上受持之也問三聖者誰人

答口訣云釋迦尊文殊彌勒也故普賢經云唯願釋迦牟尼佛正遍知世尊爲我和上文殊師利具大悲者願以智惠授我清淨諸菩薩法彌勒菩薩勝大慈者憐愍我故亦應聽我受菩薩法十方諸佛現爲我證諸大菩薩各稱其名是勝大士覆護衆生助護我等三聖相傳原出此文故山家又云依普賢經三師諸證同學文三

師卽今三聖也

重難云限三聖其意何

答五大院云和上釋迦牟尼如來羯磨阿闍梨文殊師利菩薩教授阿闍梨梅怛理那菩薩廣釋中云云欲知往尋釋尊者是我等本師也又是教主故爲大和上文殊者三世覺母釋迦九代師故爲羯磨阿闍梨彌勒者釋尊補處當來導師故爲教授阿闍梨也是出彼御釋

問圓戒相承有幾不同耶

答口訣云有四種相承一臺上舍那相承二多寶中釋迦相承三大蘊直授相承四當機直授相承一臺上舍那相承者如山家脉譜載是也五大院又云梵網戒品昔妙海王子及千王子從盧舍那受菩薩戒釋迦受盧舍那教勅下菩提樹下轉與逸多菩薩如



是二十餘菩薩次第相付至須利耶蘇摩次付羅什羅什傳秦乃  
至南嶽九師天台八祖相付今傳東山是也文是依山家血脉譜  
意也二山家大師別時口授云第一菩薩戒師多寶塔中釋迦如  
來第二戒師南嶽惠思大師第三戒師天台智者大師第四戒師  
章安灌頂大師第五戒師縉雲智威大師第六戒師東陽惠威大  
師第七戒師左溪玄朗大師第八戒師荆溪湛然大師去延曆二  
十四太歲乙酉當大唐國貞元二十一年春三月二日初夜最澄  
義真等與大唐國釋氏沙門二十七人於大唐台州臨海縣裏龍  
興寺西廟極樂淨土院授菩薩戒現前和上道邃大德邊受菩薩  
圓教佛子戒師々相傳自靈山法華會至弘仁九年相續不絕文  
是爲靈山聽衆相承亦爲塔中相承次第如式問答載是也三於  
大蘇道場天台大師入法華三昧見靈山一會嚴然未散此時多

寶塔中大牟尼尊直授此戒於智者大師是爲大蘇直授內證相  
承次第也四我等今日直對釋尊受此戒是爲當機直授是出普  
賢經說彼經云如來滅後云何衆生起菩提心修行至乃爾時行者  
若欲具足菩薩戒者應當合掌在空閑處遍禮十方佛而唯願釋  
迦牟尼正遍知世尊爲我和上等文是也此爲四種相承山家云  
第一菩薩戒本師塔中釋迦傳戒其相如何答曰塔中釋迦集分  
身以脫垢衣召地涌以示常住靈山報土劫火不壞常寂嚴土無  
明豈汚至乃虛空不動戒虛空不動定虛空不動惠三學俱傳名曰  
妙法文是以梵網律宗二篇三聚者卽是常住靈山虛空不動戒  
三三九聚圓融妙法本門壽量實相無相金剛寶戒也師師相承  
此事在口訣可祕之可祕之也  
問天台大師昔於靈山授圓頓戒其戒相何



答口訣云一心戒云南嶽天台兩師昔於靈山親聞法華兼受菩薩三聚淨戒所以師資相授灌頂等文是此三聚即圓教菩薩具足戒也普賢觀經云若欲具足菩薩戒者故是名金剛寶具戒也其相可解

問爲一心三觀照圓頓持犯耶

答然也故弘決第四是則一心三觀以照持犯文云云

問圓頓戒者無其犯相如何照之

答口訣云文意照其所持也所以其戒體即三諦實相也故照三諦即照圓戒持相也云云

問梵網五十八戒外更分別戒相耶

答重輕二篇別解脫戒是木叉總制也一一戒有若干支戒也總制五十八兼制五百餘戒也故文云五千大鬼常遮其前以此犯

戒相可知持戒々相矣是爲最要口訣云云

問爲圓頓戒意立九衆耶

答口訣云然也天台義記正立九衆是當家之所相承也

問爲此戒者五逆衆生皆受之耶

答然也弘決云第四七衆並資五逆通被文是通授戒之義是以梵

網經淫男淫女乃至鬼神受戒心地觀經中餓鬼禽獸閻王獄卒

皆來聽菩薩戒可謂廣大戒也以此通授莫與入唐相承別授菩

薩戒混亂別授圓戒他家不知祕曲可深祕焉可深祕焉又三聚

淨戒各論十善性戒十善戒總其三聚戒云云是特戒家祕曲也

莫容易莫容易

圓頓戒脈譜口訣二卷終



右此二冊圓頓木又骨目三千三觀精要也無品親王良助御製  
云云依不思議因緣傳寫之畢  
于時

寬永十八<sub>巳</sub>辛曆極月吉辰

快閣<sub>春</sub>二十九<sub>秋</sub>



書

敬光云間公書竟有此華押予為備後證更至寫之看者勿笑

天明九年孟夏上旬寫畢

敬光<sub>生年五十</sub>  
<sub>僧臘十夏</sub>

文久改元夏寫了延曆寺沙門不動金剛圓空

<sub>行年卅四</sub>  
<sub>為証</sub>



附圓戒口訣卷尾一紙

世有祕藉題曰與願金剛地藏菩薩祕記<sub>卷一</sub>元錄三年沙門淨慧  
者刻而行焉其卷末云

良助座主私記云吾昔居天台座主位為富士山清見關遊覽  
以遠州江內為本領發向之處從關東武官來云稱余養父宗  
尊親王謀叛之跡欲執愚老妄遷外濱青蓮院宮悲歎天台座  
主被流無其例以座主於遠州頓死之旨披露山門愚老入滅  
今既及六十年華洛皆思爾雖然及百年餘命猶存深隱其名  
不改左遷之昔元還俗之姿流落世間談峯衆徒持我待終焉之  
雲耳於茲因誠有信地藏薩埵之人願蓮華三昧經祕密凡祕法傳  
授之時傳印信血脉而載其名雖有憚載本名而今錄之正安  
之古天台座主三品親王良助<sub>龜山院第三</sub>宗尊親王猶子記錄  
以傳地藏尊擁護禪門安富道行愚老齡及九旬老臘尤甚筆



誤可多努々莫及外見

敬光云地藏秘記亦親王之所述作其中多引蓮華三昧經文又  
彼書中載其經渡于本邦之事實可必傳寫之記也今欲令人識  
知座主事跡謄寫私記以錄于茲而已寬政五年仲冬十九日之  
竟

明治二十九年八月十四日印刷  
同 年八月十七日發行

發行者 原田義圓

發行所 岡山縣備中國淺口郡吉備村大字佐方第二百廿壹番屋敷

編纂者 弓削俊澄



